

**Eipone Loabunio Emalaika Mamakang, Ka Ayakian ke
Chicago Illinois U.S.A.
55-0117**

1 Ido aciepak eutasi iinacan...aseseni eong ateepurekodas nuipu kokwap kane, ido epote kesi aikamun nu, ejenabo sek. Apak adio kere naikotor ijo apupun ngun nuabu Emoyo Lokalaunan kolimokinite ijo, koany iinacan lukane luejaatar kateepurekodas, edeporete ngul agwetakin ngin aitekeriar kau, ipedori do ijo adumun akonikiro kotenan. Ido kokweny kosodi aanyun arai mam ngun epote aiswamaun koipone cut icut loabala Ngin, ianyuni do ijo. Naipupunio ijo ngin elimuni "EBALA KWANATA EJAKAIT, 'Ibore mutan, arai boot erai na koipone kalota,'" arai boot airereor kosodi aanyun arai edolit ngin araibo mam. Iteijo? Erai duc koipone kangol.

2 Kwana, kanu bon adis nuageikinete...Ido ajai eong asubit bala eyalama lolo naarai ebe kijai oni idis bon ne. Kirai oni itunga lu ore, oni mam? Mam oni kirai, emame idio kaoni, yen egelara. Mam oni...apedori cut do eong aitosom akamusugun nuko Kentucky, apupi da cut bala ajai ore kwana, naarai oni-kirai bon oni...Ido mam kerek eong ajai aiucor Kentucky kwana, arai ejai itunganan yen ebunit ko Kentucky ne. Ejai idiotunganan kane yenerai yen ko Kentucky? Kikia akonikan. Abala! Ibusakinit eong aipup bala ajai ore, eong mam ti? Ejok ngin noi.

Eswamai kolejet totoka otogo looperete ipejok. Ido abu eong kadiope paaran kalot ngina kanu ajenun...kangina ajaasi itunga luipu eperete ngina, ido kitemokitete emeesa loapol kooja. Kasodi eong atemar atiar, "Imwasibo ai kane eraasi luko Kentucky, kobwaata." Apotu kere konyoutu aibwo. Kasodi eong alosit okanisa akuar ngin, okanisa kang, kasodi eong atemar atiar, "Imwasi ai kane eraasi luko Kentucky?" Apotu kere kobwaata. Kanuka ngun tieong do katema, "Ee, ejok ngin noi." Iswamatos ikalimonokinak aswam naejok, kiyalama do sio noi kanukangun.

3 Kwana kotoma Oitabo loka Iromayon, esula lo 11 ido ekokoro lo 28. Kopupok ejok noi kwana asiomunio naka Nuiwadikatai Obaibuli.

Aso kotoma Akiro Nukajokak, araut lukasurup kanukus: konye kotoma aseunio, araut lueminai luka... kanuka luka papaakec

Naarai ainakineta ka anyarauneta nuka Edeke eraasi komamei aitoronokin.

Aso do oni kelipata. Ejakait, kingarakinai sio lolo kwape kidolokinio nakotoma ayongit naepol noi, ka etau kosi kere, kotoma ainakina, kanu bon aibusu Kon nges ineritere iboro lu. Ido kingarak eong, Ejakait, kosodi aibwaikin toma aomite kang iboro bon luibusakinit kolimunoi ido nuetia bo ai elimunio. Kitobwou eong kedol aKonipak. Elipit eong ebe kijau ngolitau iboro luka nuaimedaikin luka dekak ka luejaatar ka ipudesia kotoma ikapupok kalu. Naarai elipit eong ngun Okiror loka Yesu Kristo. Amen.

4 Kwana, akoto eongadolokin akirot iroko oni ikidioko. Ido-ido atami eong mam aisibo yes noi, eperikini eong esawa kang ne kasodi aitam nuapedori kere aitwar yesi kotoma apak naejok tetere yesi ipedorete abongun akuare namoi. Kwana, kojaasi toma ailip. Mam da ber eong aomit bala abu esapat kokorak akaadin. Mam eong engisit ngesi arai abu ngesi...Ido arai mam arai apotu kesi araibo mam, mam ace ngin. Kijaar ka akaadin kotoma kane karai da koipone kere keraun oni anyaraar ace. Aso, arai mam, atiar inyo, kianyuni bodo oni nuelimuni Emoyo Lokalaunan.

Kwana, arai kipupok ijo ejok...Kwana, acepak ebunina...kwape eraar ebe eong...Erai oni idis bon kijane, erai apak naejok kanu alimun nu, naarai erai na-erai naikamunit ejautene ka elopet. Kanukangun nges abu eong asiomunia Nuiwadikatai lolo, tetere yesi ipedorete aanyun ebe ainakineta ka anyaraunio mam eraasi nedumunio kanuka araut yen itelekaarit luce kajokis.

5 Paul inera kane, abala, "Iyudayan, kotoma nuikamunitos Akir Nukajokak, aponi kitumudakai ido ekunyaritos awai kama ejai Edeke, ebe, kanuwok." Konye ekokoro lokau eringa ngol, abala, "Itajario luka Isirael kere." Itajario luka Isirael kere. Kwape ejaar aseunio, Edeke Papa abu komina kesi ido abu kitumudak kesi tetere oni Imo kijaun ka aibosit naka aitoronikin, ebe, kotoma Aburaam, ebuni Aurike apedor ti aisirereng akwap kere kwape ebalar AkirotoKe. Iany epone loejaar ayait na ekabakane loka Edeke? AkirotoKe erai na iburai araut. Mam cut Ngesi edepori araut ibore ice bobo. Kosodi kwana oni, kanuka... Abu Edeke koseu oni; Eseunit Ngesi Eyudayat; Ido erai Ngesi...

6 Iboro lu kere eraasi aijen naka Edeke na sek. Naabu Ngesi kineria nuke nuapote ajaun, Ajeni Ngesi ngun sek. Kwana, Edeke, tetere araut Edeke, kotoma ageunet ajai Ngesi aijen nukawasia arai mam bodo ti Ngesi kerai Edeke ngol loemameatar enange. Mam Edeke ekoto ebe komudiar idiotunganan. mam cut! Mam Ngesi ekoto idiotunganan amudiar. Konye kotoma ageunet naka ageun naka apaarias, akwap, Abu Edeke cuticut kojeni yeniabuni aitajaraun ka ngin da yenimam abuni aitajaraun. Mam Ngesi akoto Itunga kooliosi, "Mam erai akoteKe ebe koolio imodiotungan, konye erai akoteKe aitajar nginitungan," Konye ajeni Ngesi ameun kageunet ingai abuni acamun ido ingai mam abuni acamun. Kanuka ngun nges apedoria Ngesi alingakin alimun sek, "Ibore yenebuni aiswamaun. Ibore ngin ebuni aiswamaun," Arai, "Yen ebuni arau ngin. Itunganan yenebuni aikwaikin nen." Iany?

7 Apedorri Ngesi ajenun ngun sek naarai emamei eikor loka aijene Keng. Arai ijeni ijo apolou naka ngin, erai bon ebe, "emamei ibore yenimam Ngesi ejeni." Koany, ejeni Ngesi. Eebo, emamei ibore ageun eroko apak, ido akaulo namam bobo apak ejaar, koany, eroko Ngesi ejeni ngin ibore. Ngin ibore ejai toma aomisio Keng. Kosodi do kwape abalar Paul kotoma Iromayon, esula lo 8 ka lo 9, "Kanu kinyo eringar Ngesi itoronor?" Aso kianyuni oni ebe, konye Edeke...

Esubit bala alimonokin Akiro Nukajokak. Ajai itunganan abala, "Onac Branham, iyuunit ijo Ngu?"

Katema atiar, "Kongolek."

Kobala, "Iburai ijo korai loka Calvinist."

Katema atiar, arai eong loka Calvinist alemar bon naesalitor Calvinist toma Obaibuli."

Kwana, ejai atenu Okitoi, naebakai Calvinism, konye ejaasi atenueik ace da, Okitoi ngol, Ejaaat erkitoi ka atenueik nuedeparitos adiope. Akoto cut ngesi aiderokinio ngin nen toni aitolomar toma Ayuara naka Ikaru Kere, akaulo apak adio kolosi do ijo awai toma aimorumorun kocakar do ijo awai kinga kanen, nenice, emamei ngin enangeke. Konye kidau ijo nuka Calvinism, kobongu kau kodoka kosodi ageun nuka Arminianism. Koany, ejai atenut ace Okitoi, kosodi ejai atenut ace toma Okitoi, bon kiyatakitejo. Ibore ngin kere nepepe nges iswamaunit Ekitoi. Aso eyuunit eong-Calvinism alemar bon naesalitor ngin toma kanu Nuiwadikatai.

8 Ido eyuunit eong ebe Ajeni Edeke eringa kepesikina apetetait nakakwap, abukoseu Ekanisa Keng toma Kristo, ido abukoar Kristo eringa kepesikina apetetait nakakwap. Ebalas Nuiwadikatai nen, "Kera Ngol Imerekrek yenika Edeke yenaponi koarai eringa kepesikina apetetait naka akwap." Iany? Ido abala Yesu ebe Ajeni Ngesi oni eringa kepesikina apetetait naka akwap, Paul nges abala kwangin, "abu Ngesi-Ngesi kojeni oni kosodi ainerun sek oni aitaraunio kwape idwe kanuka Yesu Kristo eringa da ber kesubuna akwap." Ngol nges Edeke. Ngol nges Papawok. Iany?

Aso sirikiyalolong, eutasi akokoron airimejok, ejai ngini bore abunore cut kotoma apak. Ibore bon, koloma toma airimokinet. Ido ngin nges-ngin nges ewai loejokuna kanu ikamunitosi ngun, kanen do ijeni ijo epone loiswamaet kapak naijaar ijo alomar toma airimokinet.

Kwana, koany kwana, "Ainakineta ka anyaraunio emamei aitoronikin," ngol nges bon epone loapedoria eong-apedoria eong kotoma Nuiwadikatai aibwaikin anyaraunio ka kotoma Ejakait. Ido kamuno ebe kija eong ka ipapero lolo luepote amisiikin nu kwabo mam epote aomit ebe eraasi nukang. konye erai bon ebe elemuni yesi kojaunotor kamisiikin kosodete cut ajenun inyo a-inyo abala Ejakait ebe abuni Ngesi aswam, ido adumun ibore yenejai iswama kosodete atupakin ngun.

9 Kwana, kotoma ageunet, ibore yenisodit yen apedorit eong aitun nges aitapoet. Ibore yenisodit yen apedorit aitun kotoma aomisio ka nges aitapoet naabu Ejakait kijai keong. Ido araingin kotoma okar luipu, luipu luatuboros, arai eong ikoku yenisapat yen adite noi. Ido etingit eong amoru kakanika.

Kwana, elipit kitimitosi eong, eitunit eong na anapitor eong eiteitei loeoj. Mam eong ajeni arai yesi (idio kayesi kere) emojongitos neilesikino kanu aitun apakio nuaminatar isapa ludidik anapit iiteitein luoajak. Imwasi ai kane iitunitos apakio nuanapitotor idwe, eeba, iiteitein luoajak? Ee, apedorit eong aitun, kotogo kang yenididi kane kibiosio, ajai eong aliaat kokwap kotogo. Arai icetunganan, mam eong ajeni arai ingaibo ngesi, abu kolomu toma. Ido abu toto kiswamaikinite iusi yenibululu yenedit toma oiteitei kang. Ido aroko eong etabitabi alosit. Konye apak ngin ajai eong aliaat, abu eong kecumak ebokorit ka toma akako naajai akejeneke, ido auta eong ainyam akako alemunun kakeje ke ebwoi eiduny ka ekiala, aipier akim. Eitunit eong abu totoka kokopu eong aikeun kuju Kanu ka ngun.

10 Kosodi konyet ibore yen etupakinit eitunit eong, iburai korai bala ikar iarei akaulo kangun, etingit eong imoru yenadit. Ido itarauni do ngin eong lokapolou naka ikar iuni, kosodi do onaceka lodidi tierai ikar bala ayapiarit iarei lukapolou. Aso kija isio alaro naka agule naka etogo nearai bon aibois nakibeset akito neayangaunono akito kosodete aibet. Imwasi ai iitunitos apaarasia ngun naiminatar yesi ariun akito alaro na agule kosodete aibet ngun? Kanukinyo abu eong kanapia atai lolo da ber? Eong-Ajai cut eong ore.

Kanen do neapotungul...Kokinga kanen kalaro kangin naibesere akito ajaasi ikipti idis lualeleete kwap nen, aponitos katan. Kijaar ka etuo lomojong lowokiet akipti kokuju atan kangina kanen kitwasamaisio ngol aokonokino akipti abaket ngin na amojongit, abaket naeswamatai ka akitoi naka e cedar, Kadokuniata aijesunor kwap.

11 Eitunit eong apak nakawasia eong aanyun tataaka nginicici ngin, amojong eringa ketwana, arai ngesi ikar akwatat ka itomon lukapolou. Ido naatwania ngesi, abu eong kekeungesi kakanini ka kasodi aiting ngesi koipone kalo nape eroko ngesi ketwana. Abu kotun eong kakekanin, ido kobala, "Kisirereng Edeke etaukon, lominat, kwana kiton ikar kere," kapak naatwania ngesi.

Ido mama eong aomit bala iiritor aberu ngin ajaut ka-ka amuka nukeraas nukeng obe, kotoma

aijarake. Ido eitunit eong abu eong kasesen ngesi, karaida ber naraar eong ekatumunan, ejesanar eong kanua anyun kesi, kangini tupuruc akwenyuni akesa ya, alosit kakeje, ido alosit aitor akako ngin kiton atan, aokun akipi ileleba abaket kosodi abongun, akekeje cut toma kangin. Aso, kinyeis aisirieb ijo, abu kojar araut naka ikar akwatat ka itomon. Aso (eebo, ipa) arai ngin noi, noi aijar naninik, da.

12 Aso do eitunit eong akoto ngesi alimokin eong nuikamunitosi marbles luka papaka luaboliar ngol eroko erai isapat. "Ido ibore ngin imojong ngin yen ican," Aomoomoi eong, "eipone bo lolo ali edokaria ngesi kuju agola ngin?" Itogo yen edit, yeni mojong yen igolaik iare, kojaatar da ka igola ice kuju ngina. Ajaatar kesi ka akito aarei nuatubutubitai, kosodete aiswamauna amadala, kanu adokanaria kuju. Ee, katema atiar...

Ee, kwana do, abala akesa ya, "Kwana, akaulo na ainyam luka tiibong alimokini eong ijo, etodikini eong ijo marbles papa lokon."

Kasodi eong atemar, "Mam ace."

Aso alosi ngesi aitodikin eong ngul, kotoma asaduku naajai agola nakokuiu naengadator ngesi ikeboro kwape isomata itunga lumojong. Ido abu eong kenomanaa, "Opone bo lolo ali kakwap epedoria ibore yenimojong ngin adokar amadala ngin?" Aso abu do eong kekunyak nen kasodi atemar, "Tata." Katema, "kwana, kopalaber, naminat, adokari kwana eong kuju ne kasodi aingarakin ijo."

Kobala akesa ya, "Ikunya awai." Abu ngin kodoka kuju amadala ngin bala ekunyuk. Kobala, "Aso, obia!"

Katema atiar, "Mam ace, tata."

Kasodi eong aoomoom, "Oo, ikatuan, arai bon eong kapedo aikwaikin nen, agogong naetianen kotoma ka konye karai loka ikar akwatat ka itomon luka polou!"

13 Kwana, konyet do eitunit eong abu kajai atan ngin cici ngin namojong, etingit da eong amoru ido kajai aiuconokin ngin kwap koipone kangol, kotoma orit, atamit aitodikin onaceka lodidi eipone lo agogongor eong. Ido ajai kanen ikwenyit yen adoit okitoi ido auta aruo, kocelanar noi, icikwa yenyi mojong arai mam ibore ice. Kosodi, icikwa ngin, abu kaomoom ebe enerasi ngesi kaeong. Ido abu eong kebelokin kanu tiapupokin, konye abu ikwenyit ngin koporoo awai, kosodi Eporoto atiar, "Ibuni ijo adaun apak naepol naka aijarakon eiduny ka etaun lo enyaritai New Albany."

Erai ngol amairon auni anyoun kane etopolounere eong. Kipou kalototo, ketubor bala ekaru ediopet, aibois ngin, komam kijaar ka aomisioit adio kere naka alosit...New Albany. Ameun cut kotoma aijar, eipone loapotu iboro ngul...

14 Kwana, kongolek, mam ikatunga araasi luediinikitos. Papaka ka totoka da mam elositotor ediokanisa. Eringa ngin araasi kesi Itulikin.

Ocenika lodidi iboie kotoma kane anenice lolo, aomit eong, mam eong ajeni. Erai ngesi esirikalet. Ajai eong elipi kanuke. Erai ngesi elope loka Atulik, eroko erai Etulikit. Ido atiibong nakabian, najaar ngesi ne kosodi aanyun iboro ngul luka Edeke, abwoi ngesi kanepokane kotut. Abu ngesi kotema, kobwoi kangina, ido kotema ngesi atiar "Mamai Bill?" Adau ngesi apak naejoi noi ejai okekwan, kobala, "Naanyunia eong ngin..." Kobala, "Ngun-ngun mam iswamasi kotoma okanisa loka Atulik." Kobala ngesi, "Ngun...Eong-eyuunit eong, Mamai Bill, ideseikinit ijo," abala ngesi.

Kasodi eong atemar, "Naminat, mam erai eong nges adeseikinit, erai Ngol nges edeseikinit. Teijo, Ngol nges edeseikinit." Kosodi do ngesi atemar nges...katema atiar, "Kwana, mam eong abala ijo mam aswam idiobore, Melvin, kilema aijaanakin Ejakait Yesu Kristo kekonitau kere. Kolot ijo nen idio kere neikoto ijo. Konye korai loijeni cut kotaukon ebe auruun Yesu Kristo irwan naitetet, teijo, kotoma otaukon. Konye do ipedori ijo alosit ekanisa edio kere loikoto ijo akaulo kangun."

15 Kwana, konye itunga luajaasi ngaren ka araasi luka Atulik. Papaka arai Irish ka totoka da arai Irish. Aculokinet bon kanen nges aokot nuka Irish, Tataaka arai Aluga nateker naka Cherokee. Totoka erai nainyaluna-kaurio. Kwangin do eong...neka, erai aka...auri naka aturiwok, akaulo naka auni koraun ngin naemiriari. Konye ngin bon nges aculokinet kotoma araut kaileleba Irish, Harvey ka Branham nges ekiror. Kosodi eroko ngul ajai Lyons, nada eroko erai Irish. Ido kesi kere araasi luka Atulik. Konye eong, mam sio kidumunitor aitutuorio kotoma akiro nuka ediini karaida asisanakinio nepecep da, kwape idwe.

Konye ainakineta ngun, aitapoeta ngun, aanyununei eong aitapoeta kapakio kangun kwape aanyununa eong kwana, erai ngin abeit, naarai ainakineta ka anyaraunio emamei aitoronikin. Erai aijen nasek naka Edeke, Edeke iswamai ibore ice. Ameun cut kotoma aijaraka abu eong kakuriana alimum imodio bore yen ikamunit ngun.

16 Isiomitotor yesi nuikamunitos eong koitabo ngin yenididi yen enyaritai Yesu Kristo Ngopengol Bian, ka Lolo, Ido kiton Ikaru Kere. Aomit eong bala ejai ngin toma naka iitabon ice, luce lu. eraas ngun abeit, Gene? Ejai ngin toma ana, lupe duc-oitabo lope duc, tomania-toma oitabo lokijaar oni kwana? Erai bala,

esitore loaijar? aomit eong erai ngun. Dodo neijaar...mam do ngun eroke? Iitaboi kang obe, kwabo mam cut eong asiomitor kes, eong elopet. Konye ice tunganan nges iwadikai kes, kanuangun erai iceibore yen alemutu kesi kotoma airiamun. Etor eong toma angun, kanuangun amoot eong iceibore yen etakanuni. aso, kojokunaros do, asiom eong atutubeta kec kwana, lailo ka laije, kwape edumuna eong arereng.

17 Ido kwana, karaida biai, kwape ikoku isapat yenididi, ijenete boyesi aitapoet eipone loabu ngin kinerar mamakang, arai eong bala ikar ikanyaare luka polou, ido kobala, "Sirikimat nuitemerete arai aimat esigala arai boot amunaar akoni kuan kemodiopone kere, ebuni ajaun aswam naiburajio aswam ipoloorio." Ido ipupunitotor yesi ngun itatamio koitabo. Ee, erai ngin abeit. Ameun etakanunenete ngun kopekwangin

18 Na araunor eong ekejaanakinan, ee, konyet do-kogeuni konyet do ngin aiswamaunun tenteni apakio kere.

Ido abu eong kadiope kuare kaany Ejakaitiwok Yesu. Ajai eong alimun nu kaacamakinio, eyuunit eong, kama ejai Emoyo Lokalaunan. Emalaika loka Ejakait loebunenei mere nges Ejakait Yesu. Mam eputosi ka Ngol kotoma aitapoet kangipekangin. Naarai, aitapoet naabu eong kaany naka Ejakait Yesu, arai Ngesi Etunganan loedit. Mam Ngesi arai...Alosit eong kinga toma oisawe, ailip kanuka papaka. Kasodi eong abongun toma kasodi alosit ojamu, ido kakuare kangin abu eong kasesen ngol kasodi eong-katema eong atiar, "Wu Edeke, kitajar ngol!"

19 Edaunit sek totoka aitajaruun ido abu eong kebatis nges. Kasodi do eong aoomoom, "Oo, erai papaka loemasi ajon noi." Ido abu eong kaoomoom, "Karai bon eong kapedo aijaikin ngesi acamun Ejakait Yesu!" Abu eong kaloma kinga, kasodi apero ibaot yeny Mojong yen ajai kinga naka agola naongaren, eiduny ka ekek.

Kosodi ibore ice alimokin eong ebe, "Konyou." Kasodi eong anyoun, kasakasakaari, kasodi abongor mana naajai kaukang, amana namojong najaas inya luewiyot.

Ido kanen, ebwoi komam edeparit iputin itomon kane ajai eong, abwoi Etunganan; konapite elou lokakwangan, Ekesalo adit; edolakinit aKekanin koiponekalo; epene, mere losobuk Kodolitosi itima toni okeperiniKe; ido asesen Ngesi esiepisiepi kamakang, koipone kangol; kojaatar keipone-lokainapakina. Konye mam eong abukapedo amisiikin ngin, eipone loajaatar akejeneKe, ajai adiopet kau kanace. Ido kokusi ekwam, kijanganakini elouKeng, kokusi ewiyot.

Kaomoom eong, "Kwana, idareu ber ijo." Abu eong kakony akakuwan. Katema atiar, "Kwana, mam eong ajotoi." Kasodi eong airiyar kwap, aigitun inyait yen adit owiyot kangol, ijenete bo yesi, keting ngin bala adokiet ikel. abu eong ebwaik toma akituk ka. kangolia eong kau neejai etogo. Katema atiar, "Mam, ajai sek eong nen ailip kanuka papa, ido abu ibore ice kotema, olom kinga ne, ido kobwoi do etunaganan lo kanen.

20 Abu eong kaomoom, "Esabit ngol bala Ejakait Yesu." Abu eong kaomoom, "Mam eong Ajeni arai Ngesi?" Ajai Ngesi eseseni aitebeikin cuticut, akan nakwana ebwoia ekosi togo. Kanuka ngun abu eong kewotok airimor koipone kalo kanu aanyun arai tieong kapedo angolekin Ngesi. Abu eong kapedo aanyun esiep loka ereete Ke koipone kangol. Konye Ngol...abu koraun eong aibelokin airimokin koipone kalo tetere aanyun Ngesi. Kasodi eong atiar, "Uhm!" Mam ngin abu kijangak Ngesi. Kasodi eong aoomoom, "Akoto do ber eong anyaraar Ngesi." Kasodi eong atiar, "Yesu." Ido naeswamaunia Ngesi, abu kongoleu koiponekangol. Ngun kes bon nueitunit eong, abu bon Ngesi koriu akaniniKe.

Emame ekabitan aputosia kotoma akwap loti kepedo ainomun aputoKe, ipitenin luka ereeteKe. Nakajokan kakere naanyunitor eong nges Akounaka Kristo nearaar Akaisauni-Kiuni naka Hofmann, kijaar eong kangin toma kanuasiomenei eong kere ka ngin bore yen etwasamai eong. Erai naarai eputosi ngin cut bala ngesi, ido kwangin do...arai eapikinit ngein, kwape cut araut naeapikinit.

Asubit Ngesi bala, Etunganan, arai ti Ngesi einer, tiakwap kedoloki awasia, konye ca kojaatar kamina naepol ka asianut da kitonijo-ijo...arai eong ajurutaar. Ido naewalaria akwap, abu eong kadum nape ecilakide, idemidema esaati epalal keda akiyo, kebongoki eong aijeneka, alosi, abongor aitor toma amana naka ewiyot nagweren, ore.

21 Abu eong kalimok opaperoka loarai ekejaanakinan. Kotema ngol atiar, "Billy, Ijangakini ibore nginijo akou." Kobala ngol, "Ajokit ngein." Ido kobala, "Siriboliar ibore kwakangin." Arai eong ekejanakinan loka Baptist kapak kangin.

Eebo, abu eong kalot neejai opaperoka lomojong. Abu eong keboikin kasodi alimokin ngesi ngun. Kasodi eong atemar, Onac, nunyoika iwomit kanuikamunitosi Ngun?"

Kobala ngol, "Eebo, Billy, alimokini eong ijo." Kobala ngesi, "Eyuunit eong ebe arai tiijo kotam aidar akonijar, kolimonok bon nuejaasi toma Obaibuli ne, asianut naka Edeke ka ice da kwangin, mam eong tikecak atupakin ibore ice yen itegelikina kwakangin."

Nges eong atemar atiar, "Ipa, mam eong alosikinit asecar aitup ibore yen itegelikina." Katema, "Ibore bon yen ajai eong atamit angicun erai ebe ibore ber yenerai inyo."

Kobala ngesi, "Bill, kokar luatuboros ajaatar kesi kaiboro ngul kotoma okanisan. Konye," kobala, "naadaunotor ikiyakia, apotu iboro ngul kodaunos kangin." Ido kobala, "Kwana ibore bon yenikijaar oni yen...epute edio kere lokam asesen iboro ngul," kobala, "erai lukimoyoi, ajokin."

Katema, "O Onac McKinney, abeit ngin?"

Kobala ngesi, "Eebo, ipa."

Katema, "Okwe Edeke kitimoi eong!"

Katema, "Eong-Eong...Oo, Onac McKinney, ijo icamuni-ijo icamuni aimorikikin ka eong kotoma ailip ebe sirikecamaki Edeke ngun aiswamaikin eong? Ijeni ijo amina eong Ngesi ido mam eong akoto aibucara kotoma oboro lu. "Katema, "Kilip ber ijo nepepe kaeong."

Kobala ngesi, "Acamunit eong, Onac Billy." Kwangin do kipousio kelipata kanepekanen kotoma-kotoma ore lo aicokis.

Abu eong kengitingit ikejaanakinak luipu. Ibore ngipengin nges alimumonono. Abu do eong kakurianar aingisenen kesi, naarai tikeoomomata ebe arai eong ajokit. Kanuka ngun eong-eong mam akoto ajaut koipone kangol. Kwana, kesi ngun bon, kanen-ajai ibore yen ajai otauaka yen abu kiswamaun. Ido mam eong akoto ajaut koipone kangol, mam cut.

22 Konyet do kotoma ka, abu eong kadiope paaran keiira kokwap kalaije kokanisa loka First Baptist nearaar eong emeeba kapak kangin, Abu eong keiira itunganan ebala, "Ikatuan, arai joti kolosite laije kosodi aiirar lukalaunak-luibelibelosi ngul bian kuare."

Kasodi eong aoomoom, "Lukalaunak luibelibelosi?" Ido opaperoka, Walt Johnson, ekayoon ebass, ido katema, "Arai berinyongin, Onac Walt?"

Ebalangol, "Abunget naka Ipentekotin kalu."

Katema, "Inyo?"

Kobala ngesi, "Ipentekotin!" Kobala, "Billy, apak naiiria jo aanyun ngin," kobala, "ebelibelos kesi kokwap kotogo koipone kangol ido kosomanaros kuju-ka-kwap." Kosodi kobala, "Ebalas ngul ebe ebusakinit ber kesi aikalalener kotoma angajepa ace numam ejenio arai mam kesi-mam do kesi itajarauna.

Kasodi eong atemar atiar, "Aibo nen iswamatar ngun?"

"Oo," ebala, "airiamun naitolosio kowema yen edit yen imojong kangina, ko Louisville owai je." Kobala, "Itunga lukirionok, ejena bo ajen."

Katema, "Uh-huh."

Kosodi ngesi atemar, "Ejaasi imusugun luipu ngina."

Katema, "Apotu ngul kiswamata ngun, kesi da?

Kotema, "Eebo, eebo! Apotu kiswamata ngun, kesi da."

Katema atiar, "Erai ngin naitegelikina, Itunga aimorimorun kotoma obore kwakangin." Nges eong atemar, Eebo, aomit eong ibusakinit cut oni ajaut ka iboro kwakangul." Katupuruc ace naka Nasabiti, mam eong kemurokini ngin. Auta ngol ainyam abubuket naka emucuga naonit kanuka emuunu najaatar ngesi, ido apedorit cut eong asesen ngin ejok noi bala arai bian. Kasodi eong aoomoom, "Aikalalat, asomanar kuju-ka-kwap, eipone bo loka idiinin loikoni ai ice luebeit bobo kesi ajaunor?" Kwangin abu do eong-eong kenyikok alosit.

23 Akaulo konyet kangin, abu keriamunos ka epolon loejai nepene toma okanisa katicepak kopekwana, arai boot ajai ngesi laingol kakanisa, Loanyaritai Ekekiror John Ryan. Ido abu keriamunos ka nges aibois...Ekesalo emojongit ngol kojaasi kepenek loejai ka itima da, ido katicepak ejai ngesi ne. Aomit eong kerai ngesi loko Benton Harbour kokuju kane, ko Kotogo loka Daudi.

Ido ajai kesi aibois Louisville. Ajai eong atamit amoun itunga ngul, ido anyaritosi kesi ngin ebe Esomero loka Inabin. Aso abu eong kaoomoom ebe ejok eong alosit laingol kasodi aanyun arai inyo ibore ngin. Eebo, mam eong abu kaanyu idiotunganan ibelibelo kokwap, konye ca ajaatar ngul kaisisianakineta nuetegelikina. Ido ngina nges abu eong keriamunotor ka epolon lo, abu ngesi kisukunyu eong alosit obukeng.

Abu eong kalot aiyeng. Ido abu eong kajaun ngina apaaran adiope, kasodi eong alosit abongoro togo

ke adumun ebe kebu kedau aekar, ido kebukijesara nenice ko Indianapolis. Kobala, "Abu Ejakait konyara ngesi," aberuke.

Katema, "Apolouke ijalkinit jo etunganan ngol eutokin akerit koipone kangol?"

Kotema ngin atiar, "Oo, erai ngesi ebulesit loka Edeke!" Imojong ngin yenikican abu kotwana kosabiitit idis luatuboros, eirarit eong. Ido ainakina ngin mama ejai ngol. Ikatuan, aputo kaberu kangin nges ibusakinit ajakut keda! Erai ngin abeit. Edeseikinit arai ibucarit, ngol nges edeseikinit karaida biai! Katema...Eebo, Abu do eong kajenukesi...

24 Kwana ngol...Onac Ryan, ijai jo ne? Emamei ngesi kane. Ajai apaaran ya, ngesi tope mam, isapa?

Eebo, erai kesi luejarete kaibore kere yen edeporete kesi adumun, ido amamei ngol ibore yeninyamat kotogo. Erai ngin abeit. Ido ekamunit eong agarria adis katapar araiboot angolol, ko Michigan, Kasodi eong abongun kwap-kasodi eong aijesun abongun aibois ngin. Amameatar da ber kesi ka akinyet kotogo, arai boot agiriisi, kanu aipounio agarria ngun. Kasodi eong atemar, Abu ngol koosik ijo komamei ibore kotogo?"

Kotema, "Oo, konye kere ka erai ngesi ebulesit loka Edeke, Onac Bill!" Kotema, "Ngesi..."

Kasodi eong aoomoom, "Eebo, kisirereng ekonitau ngol lomojong. Onac, abuni cut eong aibwo kosiepikon." Edolit ngin. "Arai iwomoomoi jo nuetianen kanuka okilenikon, akapakina eong aimorikikin kasodi aibwo kosiepikon kanuka ngun." Edolit ngin. Kipuda oni angor bobo ace nu eipone kangol lolol, ka ikiliok da bobo ice lueomoomoete nuka angorokec koipone kangol. Abeit ngin. Tikereka America keraun naejok itiakarai ikiliok ka angor kimorikikinos nepepe koipone kongol. Arai edolit arai ibucarit, kosalakisi ka kes. Mam tiejaasi ilakito luetia nen.

25 Aso sio-kipousio kalototo...Kasodi do eong aiyatakin alosit. Ido korotoka alosit ore, arai ibore yen etegelikina, abu eong kejesun aitorun Mishawaka. Ido abu eong kaanyu ludidik-imotokan ludidik luemojongo kwana, ebwoete korot, enyaratit...inamanakinitai aanyuneta nuepolok nekec nuabalasi, "Yesu Bon." Abu eong kaoomoom, "Inyo iswamai... 'Yesu Bon,' Iburai ngun koraasi nukediini." Kasodi do eong alosit lailo ido igaalin da ngul kanen ajaatar kangin inamanakinitai nekec. "Yesu Bon." Cadillacs, Model-T, Fords, ngini bore, "Yesu Bon" inamakinitai nekeng. Abu eong kaoomoom, "Eebo, aumokinit eong arai inyonat ngin?"

Aso abu do eong katup kesi airimor; abu kadum ebe, kerai airiamun naka ediini, itunga elukumit ka akwatakany kiton ilukumin iarei kes ajaasi nen. Ido abu eong kapup ngul kere kanen ikalalatos ka asomanar kuju-ka-kwap, kojai da alosit akonye. Abu eong kaoomoom, "Kotema, nepene bodo nges abunio eong aanyun inyo erai lokalaunan-loibelibelo."

Aso kijaar eong ka eFord kang loamojongit, ijenete yesi, loabala eong ebe ekeri amairon akaisauni esawa ediopet, atomonakany lailo orot kosodi atomonakany kuju-ka-kwap lailo a-awai. Aso abu eong ketapaa nges owai ediopet, eong... kadum eong aibois nasipokina, kasodi eong alosit abongor aijesar orot. Abu eong kaloma toma, kangoengol, ido kobwoi nginitunganan kere yen apedori aibwo. Arai eong aiteluonor. Ido ajaasi kesi aikalalat, ka asomanar, ka aibironor, ka aiyatakin acie da nuikote nen. Abu eong kaoomoom, "Whew, uhm, itunga bolu!"

26 Konye nape eyatakinitor eong aibwo kanen, keyasi da eong aipup ejok itia. Abu eong kaoomoom, "Esubit ngin bala ejok noi." Abu eong kaoomoom, "Emamei ibore erono kaitunga ngul. Mam kesijangakina awkes." Abu eong kekamar einer ka ice kakesi, asokesi-araasi kesi itunga luajokak noi. Aso abu katema...

Eebo, kwana, airiamun ngipengin nges naabu eong kalomaria king kasodi aiwalakin akuare kere akuare ngin, apaaran natupakini abu eong kaloma toma. Ido iiraritotor yes eong enera ngun kotoma akiro nuikamunitosi aijarakang. Ajai eong otut ka ikejaanakinak akwatat ka akaisakany, arai akwataarei, ido katicepak epu adepar, ido akoto inginidiopet anyoun bon aibwo kosodi alimun neebunitor. Ido abu katema atiar, "Ekalimonokinan William Branham, Jerffersoville," keboikin kwap, "Baptist," aso, keboikin kwap. Nginidiopet abu kolimo neebunitor.

27 Aso atupuruc ngin naatupakini naalomaria nen...abu eong kaper oisawe akuare ngin kere, kasodi aridakin eroodikang kidding naka iicolongo luka e Ford, ijenete boyesi, ido eong-eong...eroodi locerer, etee shirt loedit, ijenete boyesi. Aso atupuruc naatupakini abu eong kalot toma airiamun, kanapite ika tee shirt. Alositor eong...

Amamei ibore kijaar eong kilema idolas iuni, ido eburai eong adumun apeteroli naitodoli eong ore. Kasodi do eong-eong agwel kablagala, eipone ka ngol lomojong, ijenete boyesi, konye amamei eong ationis kanen. Kasodi eong alosit neajai ekagwelanaran akipli, abukagwel egilasi loka akipli, ijenete boyesi, ido ajokuka noi.

Aso abu eong ketabaunite kes motimot, ido abu kanyam luatupuruc.

Kwana kerek, ti eong kapedo ainyam kakes, kwana, anyamete kesi irwana arei apaaran. Konye

amamei bore apedori eong acakakin, Kanukangun mam eong akoto-mam akoto alangirikin kesi.

28 Kwangin do eong-abu konyet eong kalot tomanen atupuruc ngin, kotemasi...erai cut eong alimor ewai lo lokangun. Ido abu do eong kalot nen atupuruc ngin, ido kobalasi kesi, "Kimoot sio William Branham, ekalimonokinan loerai ekatumunan loajai otut akuare nabian, eBaptist."Kobalasi, "Kikoto ngesi ayangaun aisiiraret atupuruc na." Abu eong kaanyu ebe abuni ngin abuoor eong kagogong, atukot naka itunga kangul, eong loarai e Baptist. Kanuka ngun abu eong kedaikin kwap koicolongo ka. Anapit eong eroodi kang locerer ka eti-saat; ijenete boyesi, kwabo kinapiasio igoen luka aijaanakin, aso...kasodi agongar kau koicolong koponekalo.

Aso abu ngesi kingit irwanarei arai auni. Ajai eong eboie eiduny ka onac lokirionon.

Ido nuejaikinitos kesi itolosete atukonokin kec ko Nyakoi, naarai ajai atiakatiaka kojesesio kapakio ka ngun ko Ngalakimak. Kanukangun mam kesi apedorete aitolot ko Ngalakimak.

Kwangin abu eong kaoomoom arai "Yesu Bon" ngin kerai naikamunit inyo. Kasodi eong aoomoom, "Alemar bon naeraar Yesu, mam ace. Aso mam ngin itolomuni aijulakinet adio kere arai erai ngin...epone loejaar ngin, alemar bon naeraar Ngol.

29 Kwangin abu eong keboikin nen apak edit kasodi asesen kesi, ido apotu kesi konyaraasi irwanaarei arai auni bobo. Kosodi onac lokirionon lo angoleun neajai eong, kobala, "Ijenijo ngol?" Eong-Eong-Eong...Ajaikwana do aitodiar kanen. Mam eong apedori aingala etunganan ngol, mam eong akoto aswam ngun.

Katema atiar, "Iteijo, onac. Eebo, Ajeni eong nges."

Kotema ngesi, "Ejok, kolot koyangau nges."

Katema atiar, "Eebo, Eong-Eong alimokijo, onac," katema, "Eong nges ngesi. Konye, iteijo," katema, "kongolek, eong...eroodi lo locerer."

"Konyou kolot kodokaa ngina."

Kasodi eong atemar, "Mam, mam eong apedori adokar ngina," katema, "anapit eroodi lo, koipone kalo, ka eti-saat yenedit yen."

Kobala, "Itunga ngul mam epodosi eipone loinapitor ijo.

Ido abu katema atiar, "Eebo, kongolek, siri jo kilimo. Ipupi?" Katema, "Iteijo, anapit eong epale locerer lo, mam eong akoto adokar ngina."

Kobala, "Ejai imodiotunganan ejeni neejai William Branham?"

Kotemari ekesa je "Elo kane! Elo kane!"

30 Oo, ikatuan! Korengeu eong ereet teni teni, ijenete boyesi; ido komamei ataai, ijeni bo ijo, ido auriaka akanin nuka eti-saat koipone kalo. Kasodi eong alosit adokar etorit nen, komwaka eong akii. Mam cut eong eiritor aitwasam a microphone.

Aso abu do eong kageu alimonokin kanen, ido abu eong kalem akouna akirot, mam cut ebuni aimurokin eong ngin, "Abu lokabaran kikeu akekonye kokatwak, ido abu ngesi komony." Eong, irwan nuipl, alimonokini iboro ludidik iuni balangin, "Bia, koany etunganan," "Iyuunit ijo ngun?" arai boot "Kosodi do ngesi aimony." Kasodi eong ainyikokin atiar, "Emamete atur, kosodi do ngesi aimony. Emameete airiamununeta nuka ailip, kosodi do ngesi aimony. Emameete idwe, kosodi do ngesi aimony. Emameete ikososinei, ido abu ngesi komony." Kasodi konyet eong aimony.

31 Aso akaulo na adaunor ngin, inyo, ikatuan, apotu cut ngul...kesi kere kolukutu eong, kokotosi nginidiopet eong alosit aitolot airiamun kanuke. Kasodi eong eong aoomoom, "Kotema, katicepak arai eong lokalaunan lobelibelo!" Kiany? Aso abu eong kaoomoom, "Katicepak..." Iteijo, araasi kesi Itunga luajokuka noi.

Kasodi eong adokar kokinga kangina. Ajai etunganan loanapit abutuusin nuimokoran, kosodi akopira naimokoran napeti, katema, "Ingaibo jo?"

Kobala, "Eong nges Ekimat mutan-ka-mutan loko Texas."

Kobuni ekesa ece konapite eroodi lokeipone loatub apak lokolo aboliaere emopira loinomanaro keda abore nasuat, kosodi isueeta yen edit. Kobala ngol, "Eong nges Rev. Mutan-ka-mutan loko Florida. Icamuni kerekia abunore aitolot..."

Abu eong kaoomoom, "Ajai cut eong ore, esapat, eroodi lo locerer ka eti-saat. Emamei cut ibore erono."

32 Aso, ipupunitotor yesi akiro nuikamunito aijaraka koboro kangol, kwana do abwouni ber kane kasodi alimokin yes ibore yeni mam eong eiritor alimun ageun. Ibore yenisodit, akoto eong aingit yes...ebeit eong ainac ngin. Mam eong eiritor alimun ngin kotunga, kotoma aijaraka. Arai isumunitosi yesi eong ebe iminasi yesi eong ido ipotu aitam amina eong kopekwangin akaulo eong alimun nu kwape iswamaata eringa eong kelimuno ngin, kikia akonikan. Mam ace. Erai ngin aisumunete kus, alozi eong aiting yes kama ejai ngin.

Eboie kotoma airiamun akuare ngin, nayooto ikososinei kec ebapete akece kanin. Ido ayoikinet, "Eong..." Ikosio ngin didi ngin, "Ajeni eong arai Aokot. Ajeni eong arai Aokot." Ido ajaasi kesi akerit laije ka lailo kokiding naikokoron, ka ngin ibore, ido cut bon aiworo ka aitutute Ejakait. Abu eong kaoomoom,

"Epupo ngin ejok noi kamaka." Abu eong kageu...

33 Ido apak kere ajaasi kesi elimitosi Aswamisio, Aswamisio 2:4, Aswamisio 2:38, Aswamisio 10:49, ngun kere. Abu eong kaoomoom, "Ijoba, eraasi ngun Nuiwadikatai Obaibuli! Mam cut lem eong aanyunit Ngin koipone kangol." Konye, oo, anokie etau kang, kaoomoom, "Erai na naeumokina!" Aomit ber ebe keraasi kesi atukot naka lukalaunak luibelibelosi nakiriamunor eong kakesi irwan nasodit, ido abu eong kaoomoom, "Oo, ikatuan! Kwana eraasi kesi atukot nakaimalaikan." Iteijo, abu eong kejulak aomisioka atipet kanepekanen.

Aso atupuruc na atupakini kijaiki Ejakait eong arereng na naepol aitolot airiamuneta nu, abu eong kaoomoom, "Oo, ikatuan, aupakin os do eong ka abunget na nakaitunga! Iburai erai ngol eipone loka luatapit kes anyarit ebe 'Methodist loikalalai.' Kebu bon kiyatak aikunyakin, "ajai eong aoomoomoi. Eebo, eong...Ajeni cut eong ebe alelakinit eong ngin. Oo, ejai ibore yenikamunit Itunga ngul yen alelakinit eong, eraasi kesi luitasonosi do kojijim."

34 Aso idiop eibore yenimam eong abu kapedo amisiikin arai einer kotoma angajepa, ngin nges abu keguik eong. Ido eong...Aja etunganan ediop, kotema, iboie kane kosodi ediop kalailo kane, ido araasi kesi ikengarenok luka akodet ngol. Lo ediopet anyouni aibwo kosodi ener kangajepa, lo nges ejuluni ngin ido alimuni iboro luikamunitos airiamun ka ice da kwangin. Abu eong kaoomoom, "Ikatuan, whew, Iburai eong aisiom ngun!" Aso do ejulanakinos kesi, adoikini lo kosodi abongor mama ejai ngol ediopet; ido ngin idiop ener kangajepa, aijul. Luce kotoma okanisa enerasi, konye esubit bala mam aijulunet alomuni kwa kitunga kalu luiarei. Kwana, abu eong kaany ebe eboiete kesi kidunyasi nepepe, abu kaoomoom, "Oo, ibusakinit ngul koraasi Imalaikan!" Aso najaar eong eboie kokau kangina...

Arai kerai ngin ibore inyo (ijenete yesi) yeri mam eong apedori ajenun, ebuni Ngin mama ajai eong. Ido kijaar eong koipone lojenunet iboro arai ekoto Ejakait eong ajenun ngin, ijenete boyesi. Ido mam eong...Kanu kangun nges abalar eong ebe mam eong alimonori nu, mam cut eiritor koingaren itunga. Arai teni teni akoto eong ajenun ibore, idila Ejakait alimonokin eong nuikamunitosi iboro lu. Erai kanuka ngun nges ejaar ainakinet, iseseni ijo. Aso mam cut ijo ipedori acakakin ngin kinga nen akonye Itunga, erauni bala acakakin ilulun kon iingaren ipegei. Erai yen italaunitai, ibore yenikalaunan, ido mam ijo ikoto aswam ngun. Aso, ti Edeke keyanga eong kwape loikamunitos ngun. Bala einer mama ejaasi iinanac ka ice da kwangin, mam eong akoto ajenun ibore yenikaronon yenikamunit onac ediokere.

35 Apak adiopet eboiete eong ka etunganan komeesa, kotunite ngol eong kakekan, ebala, "Wu Onac Branham, amina eong ijo." Kwabo abu eong kapupi ibore ice euta aikunyukunya. Abu eong kangolek ngol. Mam ngesi tikepedoo alimokin eong ngin; Ajeni eong ebe mam ngesi amina eong, iteijo, naarai kejai nen. Arai ngol cuti cut loke sowsai, arai ejaunar ediop, iteijo, ido cut kanen kotunite eong kakekan.

Katema, "Eebo, ejokuna," kanyouni alosit awai. Mam eong akoto ajenun ngun. Ajok tigwai bon eong aijen ngesi koipone loajenia eong nges, kwape onaceka, ido aosikin ngun kolototo koipone kangol. Acamakin Edeke kiswama nucengun nukangin. Iany? Ido mam eong akoto a...mam eong ajeni, akoto ajenun iboro ngul.

Ido irwanapu koboro kalu, mam erai kane kotoma okanisa. Abuni eong ajaut eboie kagola, eboie kane enyamere, ido elimokini eong Emoyo Lakalaunan iboro luepote aisswamaun. Ejaasi Itunga nepene luejenete ebe eraasi ngun nuka beit. Eboikin eong orekang kasodi atemar atiar, "Kwana, kocoit, ejai amotoka naebunit akaulo apak naedit. Eraun etunganan mutan-mutan. Kitolomutu kes toma, naarai ebala Ejakait ebe." "Kilot oni aijesar korot, epote iboro mutan aisswamaun. Kocoite kariamet kangin, naarai ibucio anangar ijo." Ido koany arai tope mam ikwaikineten, iteijo, kanginipak, cut bece bec! Kanukangun mam ijo ikoto acakakin toma kangun noi, naarai ijoti...Ngin-erai ngin...Ipelori ijo aitwasam nges, erai ainakinet naka Edeke, konye ekoto ijo acoite nuswamai ijo kangin. Ebuni Edeke aiting ijo kwape yen ikamunitos ngun.

36 Kongolek Musa. Arai Musa etunganan loeyakunit Edeke. Iyuunitos yesi ngin? Enerunitai sek, adakakinitai sek ido aponi kitaraunai enabi! Kosodi Edeke aiyakiar ngesi kinga ngina, kobala, "Kolot kolimok atiida," akaulo nakedaunitere ngin ainom. Kobala, "Kolot kolimok atiida, ido ebuni ngin aijakin akekipi."

Konye Musa, enyunyura, abu koker kinga ngina kosodi ainom atiida. Mam aki pi apotu kolomutu, abu

ngesi kinom ngin bobo, kobala, "Yes lukepali! Ibusakinit kereka isio aitolomun aki pi katiida kana kanukus?"

Iany ijo nuabu Edeke kiswama? Apotu aki pi kolomutu, konye abu kotema atiar, "Kodoku lailo, Musa." Arai ngin awasia naka ngun, iteijo. Ibusakinit ijo acoite iboro ngul, aso ijo...nuswamai ijo kainakineta nuka Edeke.

Eputosi bala ekalimonokinan, ekalimonokinan loejok loitosamai agogong, kosodi alomar kinga ido alimonokin bon kanu adumun icakan ka isirigin, ebuni Edeke aiting ngesi kwape loikamunitos ngun. Erai ngin nakabeit. Ekoto ijo acoite nuswamai ijo kainakineta nuka Edeke. Ido, arai boot aitam adumunia adoketait naepol arai boot ekiror loepol kanuka ekanisa ece mutan, arai boot ekiror loepol kanukeng elopet. Tiejok gwai eong ajaun ka airiamun naka akuaresia aarei arai auni kasodi alosit aiyengun nenice, ido karai loetasiono, kasalite da kwap. Ido ijenete yesi nuapeleikinit eong. Eebo, ipa, koricite duc aibois kon korai neapedoria Edeke aibwaikin aKekan mamakon.

Erai kereka kwana nAijar nakotoma, kiitunitos.

37 Aso konyet do apaaran na, abu eong kaoomoom, "Eebo, abuni eong alosit adokar." Kwabo abu eong cut kariengu kanuka itunga kangul, abu eong kaoomoom, "Akoto ber eong ajenun nuka ikiliok kangul." Ido kokringa naetogo abu eong ketaarikin amoote kes akaulo na adaunor aijaanakin. Abu eong kango lengole. Abu eong kadum ediopet kakesi, kasodi eong atemar, "Biaibo ijo, ipa?"

Kotema ngesi atiar, "Biai boot ijo da!" Kobala, "Arai ijo nges ekalimonokinan lokatumunan losek alimonokini katupuruc kana?"

Katema...Arai loka ikar akaisaare-kiuni kapak kangin. Abu katema, "Eebo, ipa."

Kobala ngesi, "Arai ingai ekonikiror?"

Katema, "Branham. "Kasodi eong atemar, "Idobolokon?"

Ido abu ngesi kolimok eong ekekiror. Kasodi eong aoomoom, "Eebo, kwana, arai bon eong kapedo arucokin keda emoyo ke kwana." Konye ca komam ajenun arai inyo ngin eswamai ngin. Kasodi eong atemar atiar, "Eebo, korai ener, ipa," enera eong, "yesi itunga luka neijaatar Ibore yenamameatar eong."

Kobala ngesi, "Idumunit ijo Emoyo Lokalaunan ageun naiyuunia ijo?"

Katema atiar, "Konye, arai eong loka Baptist."

Kobala ngesi, "Konye ibu ijo kijau Emoyo Lokalaunan ageun nayuunia ijo?"

Kasodi eong atemar, "Mam ace, onac, inyober ipeleikinit ijo?" Katema, "Eong-Eong mam kijaar ka nuijaatar yesi kere kairiamunit, ajeni eong ngin!" Katema, "Naarai ijaatar yesi kaibore yen esubit bala erai yenikagogong ido Kanukangun..."

Kobala, "Iiritor ijo ener kotoma angajepa?"

Katema, "Mam, ipa."

Kobala, "Akoto eong arasakin alimokin ijo katipet ebe mam ijo idumunit Emoyo Lokalaunan."

Katema do eong atiar, Eebo, arai Eong...Arai erai ngun kes eyangaikini tetere adumun Emoyo Lokalaunan, mam do eong adumunit ngol.

Kwangin do abu ngesi kotema, "Eebo, arai mam ijo ineritor kotoma angajepa, mam do ijo idumunit Ngol."

38 Ido kedarite eineri keng kopone kangol, abu katema, "Eebo, aibo do apedoria eong adumun ngol?"

Kotemari, "Kogeu alomar toma agola nen kosodi agear amoot Emoyo Lokalaunan."

Ido abu eong kasalite aseseni ngesi, ijenete boyesi. Mam ngesi ajeni nuajai eong aswam, konye ngesi...abu eong kajenu ebe ajaatar ngesi kaipup naitegelikina, naarai ngesi...akonye ke apotu kosubata mot bala agilasin kwape ajaar ngesi itei eong. Ido ngesi...Konye arai ngesi teni teni Ekristayot. Arai ngesi cuti cut, aruo akwatat kane akwatat, Ekristayot. Erai ngin naka abeit. Eebo, abu eong kaoomoom, "Kituritete Edeke, Ngibongin kane! Eong-Eong ibus-ibusakinit eong alosit olutari ngol kanenice."

39 Kaloma eong kinga, kerimok airere kere, abu kaoomoom, "Akoto eong adumun etunganan ediopet je." Ido neadumunia eong nges kasodi ageun ener kangesi, abu katema, "Biaibo ijo, ipa?"

Kotema ngesi, "Kolim, irai ijo lokokanisa ali?" Ebala ngesi, "Ebalasi kesi eong ebe irai ijo Ebatisayot."

Katema, "Eebo."

Kosodi kobala ngesi, "Mam ber ijo idumunit Emoyo Lokalaunan, ijo idumunit?"

Katema, "Aibo, mam eong ajeni."

Kobala, "Ijo iiritor ener kotoma angajepa?"

Katema, "Mam, ipa."

Kotemari, "Mam do ijo idumunit Ngol."

Kasodi eong atemar, "Eebo, ajeni eong ebe mam eong kijaar ka nuijaatar yesi kere kairiamunit. Ajeni eong ngin." Ido abu katema, "Konye, onaceka, akoto cuti cut eong Ngol."

Kobala ngol, "Eebo, ejai-ejai atapar, ekapakina."

Katema, "Edaunitai aibatis eong. Konye,"katema, "Eong-mam eong adumunit nuijaatar yesi kere kairiamunit." Katema, "Ijaatar yesi kibore yen eong-akoto eong teni teni."

Kosodi kobala ngesi, "Eebo, ejokuna noi."

40 Auta eong atamit aikamun ngesi, iteijo. Ido arai eong...Kawasia konyet do, naekamunia eong emoyoke, kwana kere kaarai ngol etunganan loce je, arai eiritor eong ainerakin kalokesoswai loka adoketait nakokwap cut, arai ngol ediopet kangul. Eboiete lo...Arai aberuke aberu naerioko itima, konye eboiete lo kanarengak itima ido auritos kangin idwe iarei. Amat, iken, alosenen obaan, kangin ibore ice kere, konye ca kojai tomanen ido kinera kotoma angajepa kaidwar da.

Kasodi do eong atemar, "Ejakait, kitimo eong." Abu eong kalot ore. Erai ngin naka abeit. Katema, "Abuni bon eong adumun...Mam eong apedorit amisiikin ngin. Asubit bala Emoyo Lokalaunan ngol loisirerengitai nges ajai aijesunun, ido, adoinikin ngol lokesoswai." Kasodi eong atemar, Mam epedoros! Kesi ngun bon."

41 Kotoma apak na naej konyet do, eong aisia ido kamonyi, abu eong kaomoomoi arai ti eong kapedo alomar aupakin ka kes katicepak ti eong kapedo ajenun kere nuekamunitos ngin. Ediope lo kane, Ekristayot loka beit; kosodi loce je ediopet, lokesoswai loteni teni. Kasodi konye eong aoomoom, "Inyobo do ngin? Oo," Katema, "Edeke acepak-acepak ejai ibore yenipe erono kaeong." Ido katema, kwape araar loekoto kitogogongitete, "Ebuni ngin...ibusakinit aanyun ber ngin kotoma Obaibuli. Iburai ngin korai.

Kamaka, ngin ibore kere yeniswamai ibusakinit kolomunite kObaibuli kalo araimam mam do ngin edolit. Ibusakinit kolomunite Kane. Epedorio aitogogong kotoma Obaibuli, mere bon aiboisit adiope, konye ekoto kolo aitorun Obaibuli kere. Iburai do eong aiyuun ngin. Ekoto ngin korucokinai do koupari ka Nuiwadikatai Obaibuli kere arai mam mam eong eyuuni ngin. Kosodi konyet, naarai abala Paul, "Arai kebu emalaika lokotoma Akuj, elimonokini akiro nukajokak ace, korau loikenitai." Kanukangun eyuuni eong Ebaibuli.

Kasodi eong atiar, "Mam cut eong tikapedoo aanyun ibore yen ikonen kotoma Obaibuli."

42 Ketuoboros ikaru iarei, akaulo na eong atwaniar akaberu ka ngin ibore kere, abu eong kajai kuju laije Green's Mill, iboisit kangin icici yenimojong kokuju kangina, elipi. Abu eong kajauna kau nen toma abuakang kokau kanen adaun apaarasia aarei arai auni, arai apaarasia aarei. Abu eong kalom kinga adumun akutakinio, akutakinio naka ekwam. Ido naalomaria eong kinganen, ajai Ekabaibuli eperi kokinga kanan kawasia naka apungurei nepe ilomuni ijo. Ekitoi lomojong loebirokina kwap, esicarit ngin. Kwana, ijo...Neesicarit aperi kikeuna kuju koipone kalo, ido koperi ekitoi kokwap. Ido ajai eong eboie eigarara kapungurei kangin, kasodi aper kanen kuare, kaseseni kuju odouon koiponekangol, kojai akakan idokokino kuju koiponekalo, ido kacepak ajootor kaperi cut kanen kapungurei kwangin koipone kangol, elipi. Ajaut ngina apaarasia nuipu, mam cut ainyam karaida aimat, ajaut nen ailip. Ido abu eong kaloma kinga kanu adumun ekwam loitetet, kokkinga naka abua kangin; alilim, kojai aibuse kau tomakanen.

43 Kwangin do abu eong kalom kinga ido kanen aperi Ekabaibuli kanepekanen etingitor eong Nges kapaaran nakokau, ido apukoro neejai Iburanian, esuula lo 6. Ido abu eong kageu aisiom nen, "Kenyeis...ko...keyatakino apoloor, kenyel bobo apetetait naka aitoronikin kanuka aswamisio nuetwakito ka aiyuun Edeke," ka ace da kwangin. "Naarai ngul luadaut kolo ainwakakinio, kiirata da ainakinet naka akuj, ka anyarauneta," ka ace da kwangin. Konye abala, "Konye ikukwa ka isukukur lueyapiasi kangerio, awasiakec...akipi...etepanakini akiru akwap irwan ipu kanu aitapapal nges aisikapikin kanu ngul lueyapiasi kangerio, nepepe ikukwa ka isukukur, esange kec aicweio."

Kosodi Icebore alosit, "Whoooossssh!"

Kaomoom eong, "Yen kane. Apupuni eong...kwana arai idiobore.... Abu Ngol kitwekeny eong kalailo, itemonokin kwana Nges aijaikin eong aitapoet kopekwana." Ido edar eong kangina kotoma angeset naka apungurei kangin, ido kedar. Abu eong kanyou kasodi alosit kau iingaren, kuju ka kwap. Kasodi abongor,

mam ibore obu kiswamaun. Abu eong kabongo bobo toma abuakang, mam ibore abu kiswamaun. Abu eong kabwo kanen, kaomoom, "Ee, inyober yen?"

44 Abu eong kalot laije neajai Ekabaibuli bobo, ido, oo, abu bobo Ngin kobong mamakang bobo. Abu eong kalem Ngol, kasodi aomoom, "Inyo berejai toma nen yen ekoto Ngesi eong aisiom?" Abu eong keyatak aisiom kitoni kwap bala ne "aitoronikin mama ejai Edeke, ka aiyuun," ka ace kwangin, kasodi eong aiyatakin aisiom kiton kwap ne ebalar Ngin, "Etepanakini akiru akwap irwanipu kanu aitapapal nges ka aisikapikin da ngin kanu kangun nuelosikinitere nges, naarai kane, konye ikukwa ka isukukur luibusakinit angerio esange kec aicweio." Kosodi, oo, abu cut Ngin kitamaran eong!

Kasodi eong aomoom, "Ejakait, ilosi Ijo aijaikin eong aitapoet na..." Ajai eong kuju ngina aingitun kama Keng ibore ice yen agelara.

Konye do katipet, koingarenika, abu eong kaany akwap irimi, ido akoritai ngin kere. Ido kane kolosi etunganan loanapit anapito nakakwangan, kikiarite akekou, koyei Ikinyom koipone kalo. Ido naalosio ngol, kobuni, euta ngol aijesar orangat juwai, kane kobuni etunganan kokau keng, enapit inapen lukirionok, kitulurite akekou kwap, eyei ikinyom. Ido nalomuniata Ikinyom lukajakak, arai akima; kwabo nalomuniata ikinyom lukaronok, keraasi edoan.

45 Kosodi konye kobi akamu naepol toma akwap, kosodi kobilakin akou naka akimait, bala aapikin atwanare, kanuka eipud akipi. Ido abu kaany itunga kere ikeitos akecekanin kuju, ilipete Edeke aijukun akipi. Kasodi konye eong aanyun edoan, abilakina akekou kwap, eluri kanuka akipi. Ido atipet kojaunos idouon luka polok etubunos kosodi cut akiru abukun kwap. Ido naeswamaunotor ngun, abu ikimait ngin yenabilakina kolot, "Whish,"kitenar ebwoi.

Abu eong kaomoom, "Ee, inyobo ngin?"

Kobuni konyet Ngin mamaka. Nges bongin kanen. Akiru ngipengin naijaikini akima apolo, ijaikini edoan apolo. Kosodi Emoyo ngopengol epedori adoikin atukot nakaitunga, ido epedori aisirereng lokesoswai koipone lope isirerengio Ngesi loce je. Abala Yesu, "Ijenunete kesi kakeceraito." Mere naarai iworoingin, arai iyalamankin, konye erai "kanuka araito keng ngesi ijenunia ijo ngol."

Katema atiar, "Aso konye ijo!" "Adum eong ngin, Ejakait." Katema, "Apolou ke erai ngin cut Abeit." Etunganan lo...Ipedori ijo ajaut ka ainakineta komam ijeni Edeke.

46 Aso kanen Eong-kapak kangin auta eong araun loecaarit noi ener ka angajepa, iteijo. Konye kapaaran adiope, konye, eipone loabu Edeke kitogogongo ngun mamaka!

Ajai eong ebatisae kajes a kocilet, lusodit eong aibelokin, Kocilet loko Ohio, ido itunganan yenitomonet kalukanyaarei yen ajai eong aibatis, kwape ajaar eong ageun aibatis nges, abu katema, "Papa, kwape ebatisa eong nges kakipi, kibatis do Ijo nges ka Emoyo lokalaunan." Abu eong kageu aitulumoor ngesi kwap akipi.

Ido cut kapak kangin kobuni etapiro kokuju apak, kosodi kanen kobuni do Aica ngin, ecai kwap. Akwat ka akwat nuka itunga ajaasi ariri naka ecilet, korai cut isawan ikanykauni lukajoset, kolap Loikanyet kape. Ido abu ngin kikajakin kuju kane ajai eong. Abu Eporoto kiner kanen, ido kobala, "Kwape aponi kiyakiunere Yokana Lokebatisan kwape ekengarenikinon loka abunore nasodit naka Kristo, ijaatar ijo ka...ijaatar ka Aisiiraret naebuni ayaun aingarenikinio naka Abunore Nakiyareit naka Kristo." Abu ngin kitukurian eong noi bala akoto atwanare.

47 Kasodi eong abongor, ka itunga kere kangina, ik-ikiliok lukeswamak ocuma loka asua kangul kere, ekenyalinyalan ikee, ka ngul kere luajaasi ariri naka ecilet. Adaunit eong aibatis itunga luedolete akwataarei arai akwatauni kajotakinet kangin. Ido naalemuniata kesi eong kinga, airun eong kinga kakipi, apotu idikonin ka ice da kwangin kodokasi, apotu kesi kingitata eong, kobalas, "Inyobo apolou naka Aica kangin?"

Ekodet loepol loka itunga lukirionok luaponitos ko-kokanisa loka Gilt Edge Baptist kosodi ekanisa loka Lone Star kanen, ka luipu kotoma kangol luajaasi kwap ngina, apotu kogeutu aikalalat na anyuniata kesi ngun iswamaunos, apotu itunga kiyilonoros.

48 Apese na abu eong katamite aitonyoun kataker ace kangina, kiboie kangina keda esuuti loadku, akesisionakinan na eSunday school kokanisa ece, kasodi eong atemar, "Mam ijo ikoto adokun kinga, Margie?"

Kobala ngesi ebe, "Billy, mam ebeit eong adokun kinga."

Katema, "Erai ngin nakabeit, mam ebeit ijo, konye ti eong kijaar ayongit nailosikino kanuka Akiro nukajokak toni ti adokun kinga kane ebatisa eong."

Kobala ngin, "Mam ebeit eong."

Ido naajar ngesi iboie kanen, aikwikwiaka akwenar eong ebatisai, naarai mam ngesi eyuunit nuka aibatis, aso konyet do naabunio Emalaika loka Ejakait aijesun kwap abu ngin kibiror ebuburia kotoma ataker. Lolo ejai apese ngin toma adekis naimukere luijangakina akwes. Aso mam cut ibusakinit ijo aboliar Edeke. Iany? Kwana, ekaulo do...Apese na atemel, abu kolomak amat ekaulo, aponi kobelai kecupa, loka-loka ebia, abu kocil ekereet kere aibanyun kwap. Oo, itunganan yen sogim-isesen! Ido kotakanutu ngun kangina.

49 Kosodi konyet ameun kotoma aijaraka aanyunenei eong ngun, aanyunun ngun iswamasi, aanyunun aitapoeta, eipone loeswamaunonotor iboro ngul. Konyet do, ekaulo keng mot, abu Ngin ketapas eong noi, ido nginitunanane kere ajai alimokin eong ebe ibiroro Ngun. Kasodi eong anyoun alosit aibosit kang namina eong alosenen, kuju ngin aneeduc elipianana eong. Ido eong ti...Mam ace arai eyatakinit eong ailipenen biai tetere Ngin mam bobo ebuni mamakang, abuni Ngin karaida biai. Aso arai bon eong...arai eong-arai eong egeemut kobooma loko Indiana. Ido abu eong kalom toma, ajai etunganan loeboie kanen, onaceke konac ecie ekaraman apiano koyekalu. Kosodi ngol atemar, "Billy, icamuni ijo aupakin ka eong alosit laije Madison kajoset kana?"

Katema, "Mam eong apedori, iburai eong alosit amagoro."

Ido eong...ajai bon aitorun togo kaalacar da akarokoba, arokoba naka emudu ka iboro, kakudokin da akanin nuka esati. Kiboie sio kotogo loka agolaik aarei, ido ajai kwana do eong ailotanar ka akapakin da ainyam. Ido abu eong kadau ailotanar, ido ajai cut alosi kariri naka etogo, kokwap nak e-ekitoi lomapule loepol, ido katipet abu ibore ice kolot, "Whoooossssh!" Ido abu cut eong kebuc aiyilor. Kasodi eong angoliar, ido abu eong kajenu ebe arai Ngin bobo.

Abu eong keboikin amadalai ngun, kosodi ngol asomun komotoka ke ka akerun da mamakang, kobala, "Billy, ijai ijo aiyilor?"

Katema, "Mam, ipa."

Kobalangol, "Inyo bo do ationis, Billy?"

Katema eong ebe, "Mam eong ajeni." Katema, "Ape do ber ijo alosit, onac, mam ace kere. Eyalama."

Abu akaberu kolom kinga kosodi ayangaun ajaag naka akipi, kobala ngesi, "Lominat, inyobo ationis?"

Katema, "Emamei bore, naminat."

Kwangin abu do ngesi kotema, "Aso kobia kwana, ejaasi inyamat lukapaaran omesa, ido abu ngin kotun eong kakekan, abu kotam aitolomaar eong toma.

50 Katema atiar, "Naminat, Eong-Ejai ibore akoto eong alimokin ijo." Katema, "Kinomak ijo ngul esimu kosodi alimokin ebe mam eong abuni ajaun ngina ajoset na." Katema, "Meda, naminat," katema, "Ajeni cut eong kotauka ebe amina eong Yesu Kristo. Ajeni eong ebe adau eong atubor anyoun kotoma atwanare alomar toma Aijar. Konye mam cut eong akoto Satan awam idiobore kere kamakang." Ido katema, "Mam eong apedori aiyatakinit koipone kalo; arai eong ejeerat." Katema, "Apak kere, naiyatakinit ibore yen aiswamaunun, iboro kwa kangol, kosodi aitapoeta nu abunenen, ka acie da koipone kangol. Arai nuerai ngesi," Katema, "iswamanakin ngin eong." Mam eong ajeni ebe erai ngin aitapoet. Mam eong abu kanyara ngin aitapoet. Katema atiar, "Ngun bala aitegelikineta nuka," katema, "Mam eong ajeni arai inyo ngin. Ido naminat, Eong-Eong-Eong mam akoto aiyala keda angun, elimonokinete kesi eong ebe erai ngin ajokit. Kwabo amina eong Ejakait Yesu."

"Oo," kobala ngesi, "Billy, mam ibusakinit ijo aipup nuilimonokinete itunga ijo."

51 Katema eong atiar, "Konye, naminat, kongolek ber ikalimonokinak luce." Katema, "Eong-mam eong akoto ngin." Katema, "Alosi eong aibois kang kotoma amagoro. Kijaar eong ka dollars luedolete itomon akany, kidar ijo Billy." Arai Billy itelepat yen adite noi kapakio kangun, ikesa yen adite noi. Katema, "Ijo-ijo koyanga...Ilosokino ngul ijo ka Billy ajaria, ber apak na edit. Kinomak ngul esimu kosodi alimokin kesi abuni eong-abuni eong kacepak abongun moi, ido kacepak mam cut eong abonguni. Arai mam eong abongunit kotoma apaarasia akany nueponitos, kibwaikisi kesi itunganan toma aibois kang." Kasodi eong atemar, "Meda, mam cut eong abonguni kamagoro kangin aitodol naisumunio Edeke eong ebe ebuni Ngesi alema ibore ngin awai kamakang ido mam acamakin ngun aiswamaun bobo." Komoom eipone loepedoro itunganan amamus aijen!

52 Kasodi eong alosit kuju ngina akuare ngin. Abu eong kabongo toma togo ngin yenedukitai ka abaoi, eringa kedoluno apaaran na atupakini; asubit apak bala na atuboro. Abeikinit eong alosit adokar oidukuru kang apaaran na atupakini, arai bonat oukot tigwai, ido alosit adokar toma amagoro kanen. Mam eong eyuunit ebe tikepedosi luka F.B.I amoun eong kanen. Aso itogo yenikabaoi yenimojong yen...abu eong kajai ailip kajotakinet ngin kere ido koroko kemutonoro noi. Abu kelipi, asiomi eong kalaije kotoma Obaibuli nebalar Ngesi ebe, "Emoyo loka inabin enonokikini enabin." Mam eong abu kapedo amisiikin ngin. Aso abu

komutonoor noi kotogo ngin yenimojong yenikaabaoi ngin.

Neaminar eong alokenen nearaar eong etelepat, ajai auno naalokis naetorit nen, ido adokar kuju ngina ailok agaria ka asalakin da akuare kere. Arai cut itogo yen kabaoi yen adauna ebwoi kangina, ajai nen ikar luiru. Kejai itunganan kacepak iboie kotoma eringa nges ikwaikina nen.

53 Kwangin do Eong-ajai cut eong edarit kanen. Kasodi eong aoomoom, "Eebo." Ajai apak ikunyi aapiar isawan ikany kaarei, isawan ikany kauni, isawan ikany kaongan tupuruc, abu eong kajai alosi abongobong kuju ka kwap kotogo, alosit kau ka ingaren. Eboikin eong omakuk yenididi yen amojongit kanen, yenididi... mere emakuk, isaduku yen amojongit yen icebore. Kasodi eong aiboikin kwap nen, ido abu eong kaaomom, Okwe Edeke, kanukinyo iswamaa Ijo nu mamakang?" Katema, "Papa, ijeni Ijo amina eong Ijo! Ido mam eong-eong-eong mam akoto ajokit airumit eong. Mam eong akoto iboro ngul aiswamainikin eong. Okwe Edeke, siri cut kicamat ngin aiswamaun bopo."

Katema, "Eong-Amina eong Ijo. Mam eong akoto alosit okatwak. Nanyoin ameda na eong alimonokin ka atamit, ka aibwaikinit da agogonguka, arai adiakit eong? Ido mam eong ajai bon alosit okatwak, ajai eong aitapaar ilukumin nuka luce." Arai boot akwat nuka ice, kotoma apaarsasia kangun. Kasodi eong atemar...ajaatar eong ka aijaanakin naepol. Kasodi eong atiar, "Eebo, eong-mam cut eong akoto ngin kiswamaikin eong bopo."

54 Kasodi eong aiboikin omakuk lodidi lo. Ido ajai eong eboie, oo, bala koipone kalo, cut koipone kangol. Ido, atipet ngipengin, abu eong kaany aica ebala pelepel kotoma agola ngin. Ido abu eong kaomite ebe ajai itunganan yen abunit kinwakite etooci. Kasodi eong angolengole, ido abu kaoomoom, "Ee..." Ido ajai ne, cut ingaren kang. Ido amojongitos abaoi nuepesipesitai kwap naetogo. Ido ngesi bon Ngin ajai nen, cut iingaren kang. Ejai isitopu yen mojom ebwoi okoona, acilaritai kuju ke alemar awai. Kwabo-kwabo cut kotoma kane ajai a-a Aica kwap na etogo, kasodi eong aoomoom, "Ee, aibo ejai ngin? Ee, mam ngin edepori araut naejai abunore..."

Abu eong kangolengole. Ido ajai ne kujukang, Aica na ngipengin cut alopel, cut ngina kokuju kang, ikaja cut koipone kangol. Kojai irimirimi bala akim, kosubite ejesi bala ameralid, elosi, "Whoosh, whoosh, whoosh!" koipone kangol, cut kokuju Keng, koipone kangol. Kasodi eong asesen Ngin. Abu kaoomoom, "Inyo bo Ngin?" Kwana, abu ngin etukurian eong.

55 Abu eong keira itunganan ebunit, [Euta Onac Branham aisia epone loelosio itunganan.] cut elosi, bon, mam anapit amuk. Ido abu eong kaany akeju naka Etunganan elomuni toma. Amutono agola kotoma, kere kilema bon nepene kwap neloreikinit ngin. Ido abu eong kaany akeju naka Etunganan elomuni toma. Ido na alomunia Ngol toma agola, kosodi aiyatakin alosit, arai Ngol Etunganan bala...asubit bala iriuni ilatirin akwataarei. Edolakinit Ngesi aKekanin koipone kalo. Kwana, aanyunitor eong Ngesi kotoma Otapipiro, apupunitor eong Ngesi inera mamakang, ido aanyunitor eong Ngesi kotoma aput naka Aica, konye irwan nasodit eong aiir aanyun asima naka Ngon. Abu Ngesi kobi aikunyun mamakang, die cut ne teni teni.

Ee, ipapero kotoma abeit, eong-abu eong kaomite ebe ti ekatau kepala aswam. Eong...Kinoma berijo! Kibwaikin ber ijo elopet toma nen, tikjaik Ngin ijo aipup koipone ngope ngol. Acepak iyekarit ijo itia eong korot kalo, acepak iraun ijo Ikristayot apak na eoj, konye Ngin ti kijaik aipup koipone kangol. Naarai aakaulo naka akwat irwana kwat nuka aipejonokineta, edaunun eong agogong naikunyunia Ngesi mamakang. Kacepakio ijaikini da ber eong...ebucenene eong aiyilor cut, aitonokok noi akuan kwangin kapak naanyounio eong kotut irwanapu. Arai kadau eong apak naeoj noi, eyilor do eong cut. Eraunar arimoria eong enapitai adaun isawan, komam da ber eong ajeni ebe aibo ajai eong. Ido mam eong apedori aitetem ngun. Kosiom kokwad kane kotoma Obaibuli, ido itetemuni Ngol Ngun, ibore yen erai ngin. Ebalas Nuiwadikatai Obaibuli kwangin!

56 Aso eboie eong kanen ido kaseseni Ngesi. Eong-asubit eong bala akekan kuju koipone kangol. Ajai cut Ngesi itei eong, cut kwape naiteleli. Konye ajaatar Ngesi kEporoto loidul neteni teni, ido abala Ngesi, "Sirikuriana, keyakunitai Eong kotoma Ajakut naka Edeke Lokapedor kere." Ido naabu Ngesi kineria, Eporoto ngol, arai ngol Eporoto jepeje loabu kinerite mamakang nearaar eong ikar iarei lukapolou, ameun erot kere. Abu eong kajen ebe arai nges Ngol. Kasodi eong aoomoom, "Kwana..."

Ido kiira ngin. Kwana kopupok nukipou kenerata. Ido abuni eong atakun nges koipone loejok kakere loapedoria eong, kaijen, akirot ka akirot, naarai etionikinit eong aitun.

Ngesi...abala eong...abu kangolek Ngol koipone kangol. Kotema Ngesi atiar, "Sirikuriana," cut kaiyapaara, kobala, "Keyakunitai Eong kotoma Ajakut naka Edeke Lokapedor kere, alimokin ijo ebe auriokon naitegelikina..." Kwape ijeniata yesi eipone loajaar aurioka kokuju kangina. Abu Aica ngipengin kikajakin kuju kang naaurunere eong nasodit. Kwangin do kobala Ngol, "Auriokon naitegelikina ka aijarakon namam emiisikinitai arai kanu aitoduun ebe ibusakinit ijo alosit toma akwap kere kosodi ailipanakin itunga lukadekak." Ido kobala, "Ido komam apod nuejaatar kesi..." Ido abu Ngesi konerok Edeke, Loerai Ekatubon kang, ejeni. Ebe, abu Ngol konerok "ekansa." Kobala, Emamei bore...arai kisipedo ijo itunga aiyuun ijo, ido

korai loimunokina nailipia ijo, emamei ibore edepori aibwo kakonye nuka ailipikon, mam karaida ber ekansa." Iteijo, "Arai kisipedo ijo itunga aiyuun ijo."

57 Kasodi eong aanyun ebe mam Ngesi arai lokasurup ka, kerai Ngesi Opaperoka. Ido mam eong abu kajen arai-arai ajai eong atwanare arai bo inyo ajai atakanun najaar Ngesi euta aikunyun mamakang koipone kangol. Ido abu katema atiar, "Ee, Ipa," katema, "Arai eong..." Inyo tope kajeni kanu ikamunitos aitangaleununeta ka iboro bala ngul, ainakineta ngun? Katema, "Ee, Ipa, arai eong e...arai eong etunganan lokican." Ido katema, "Ajai eong otunga kang. Eboie eong nepepe ikatunga lueraasi lukican. Arai eong lomam esisiat." Kasodi eong atemar atiar, Ido eong-eong-mam eong abuni apedor, mam kesiat-mam kesi epote amisiikin eong." Katema, "Kesi-mam kesi epote-mam kesi epote aiirar eong."

Ido abu Ngesi kotema atiar, "Kwape aponi kijaikinere enabi Musa ainakineta aarei...aanyuneta," gwati, "kanu aitogogongio aijanakin ke kwape nakabeit, kwangin kijaikinio ijo da ainakineta aarei aitogogongio aijanakinikon kwape nakabeit." Kotema Ngesi, "Adiopet kakesi ebuni araut ebe ibuni ijo aiting akan itunganan yenijai ijo alipakin, akoni kan nakokediany kosodi nakeng nakoteten," ido kobala, "kosodi do ijo aibwo kililingi, ebuni ngin ajaunor...ejaunos nuepote atakanikin akuan kon." Ido kobala, "Kosodi konye ijo ailip. Ido arai kepala ngin, anyou adeka kama ejaasi itunga ngul. Arai mam ngin epalari, kilipak arereng bon kosodi alosit."

"Ee," katema, "Ipa, akuriana eong ebe mam kesi epote aijaun eong."

58 Kotema Ngesi atiar, "Kosodi ibore yenetupakini ebuni araun, arai mam kesi iirarete ngin, epote do kesi aiirar na." Kobala, "Ebuni do ajaun ebe ibuni ijo ajenun nukaiyeiyea nuka otauokec obe." Kobala, "Epote kesi aiirar na."

"Ee," katema, "Ipa, kanukangun nges ajaar eong ne lolo. Elimonokitos eong imakio ka ebe iboro ngul luaponenete mamakang araasi luibucara."

Kotema Ngesi, "Kiuritai ijo kotoma akwap na kanuka alosikinet kangin." (Iteijo, "ainakineta ka anyaraunio naka Edeke emamei aitoronokin.") Kotema Ngesi, "Aponi kouriai ijo kotoma akwap na kanuka alosikinet kangin."

Kasodi atemar, "Ee, Ipa," katema, "erai, imakio ka kesapotu kalimokis eong ngun, ebe arai ngin e-emoyo lokaronon." Kasodi atiar, "Ngul...Kanuka ngun nges ajaar eong ailip kane."

Ido enuta nu abu Ngesi kotakak eong. Abu Ngesi kolimok eong nuka abunore naka Ejakait Yesu, kotoma apak Keng nasodit. Ido abu katema...

59 Ibore yen etegelikina arai, ipapero...Eebo, abuni ber eong apaikin ne adakika adiope bon, abongor kau. Ibore yen abu ketukurian eong adepar apak ace kere, kangin pak kere naeriamunotor eong kaemuron kere loerai ekadwaran, apedorete ajenun ebe kejai ibore iswamauna. Ido akotos ngun cut... ebucit aarar eong.

Kwape nat, kadiope paaran ajaasi iinacana ka kaeong ilosi aitorit toma a-alarieik nuka abolia, ido kirai bon sio itelepai, kiuta alosit. Aso ajai amuron nakadwaran nen namojong iboie kokingga kanen kotoma odiopet koweman kangul, amucalat natumunan, amucalat natumunan najok asesen, eboie ngin kanen. Ido kijai sio kere ilosi, aitor aapu kanen. Kobala ngin, "Ijoba, ijo, kobia ber ne apak edit!" Kasodete sio itelepai kere iuni aibelokin. Kosodi ngin atiar, "Ijo ngol loinapit esueta locerer." Arai eong nges ngol.

Kasodi eong atemar, "Eebo, toto?" Aomit eong acepak akoto ngesi eong alosit aomikin ngesi Esoda, arai boot ibore ice kwangin. Ido arai ngin-aberu natumunan, katicepak ajai toma okaruke lugeunet luka akaisaarei, arai boot ibore ice, iboie kanen. Kasodi eong alosit, ido abu katema, "Eebo, toto, inyo apedor eong aiswamakin jo?"

Kosodi ngesi atemar, "Ijoba, ijeni tope ijo ebe ejai a-Aica naetupit ijo? Kidounitai ijo kwap naka aanyunet ace."

Katema atiar, "Inyo ipeleikinit ijo?"

Kotema ngin, "Ee, kidounitai ijo kokwap naka aanyunet ace. Ejai Aica naetupit ijo. Kiuritai ijo kanuka anyaraunio naka Edeke." Katema, "Irwa kane, ijo aberuna!"

Kasodi eong aiyatakin alosit, naarai atapit totoka alimonokin eong ebe iborongul eraasi luka ajokit. Adeseikinit ngin. Aso eong...Abu ngin ketukurian eong.

60 Ido apaaran adiope naraar eong ekapolon loka igeemun, ajai eong alosit adokar ketwasamai abaasi. Ido abu eong kaloma obaasi. Arai duc loasubit bala lo asesenete imoyon. Ido abu eong kajai abwoi kanen, kojai da eketekeran ameeri lo ebwoi kokau kang. Ajai eong alosit ngina aimaniman, ido ajai eong alosit kiton Amagoro naka Henryville, ajai toma abaasi. Abu eong kapup ibore ice yenetegelikina. Abu eong kangolengole kanen, ido ajai nen a-a aberu naapol nalangir iboie kanen, konapite ejok. Kotema ngin,

"Biaibo ijo?"

Katema, "Biaibo ijo!"

Abu eong kaomit ebe erai ca aberu bon, ijenete boyesi, enera, aso abu eong kenyikok...Kobala akesa ya, "Akoto ber ainerakin ka ijo apak edit."

Katema, "Eebo, toto?" Abu eong kebelokin.

Kotema ngin, "Ijeni tope ijo ebe kidounitai ijo kokwap naka aanyunet?"

Kaoomoom, "Ace bobo kotoma angor ngun nuitwekenete." Aso abu eong kasesen kinga. Aso mam cut eong abu kalim akirot karaida adiopet, abu bon kiyatakinit...

Kobala ngin, "Arai tikapedo eong ainerakin ka ijo apak edit?" Abu eong keyatakinit...Ebala ngin, "Siri kiswama kwangin."

Abu eong keyatakite asesen iingaren. Kaoomoom, "Mam eipone ngol erai loka itunga luesaara."

Kobala ngin, "Akoto eong tiainerakin kajo apak edit.

61 Abu eong keyatakite asesen iingaren, ido komam akoto apupokin akekiro. Kaitebeikin abu eong kaoomoom, "Akoto ber eong aanyun arai elimuni ngesi kwape kanuce kakwa." Ngesi eong aibelokin, kaoomoom eong, "Oo, ikatuan! Tingin kijangak eong, ajeni eong." Naarai, angara eong aomoom ngun. Abu kebelokin.

Kobala ngin, "Arai bo ber ejok eong aitijenaar." Kobala ngesi, "Arai eong nakerereon aacer."

Katema eong, "Abu eong kaomite irai ijo ibore kwakangin."

Kobala ngin, "Ajai eong orot kang alosit Chicago aanyun etelepat kang loerai ekejaanakinan loka Baptist."

Katema eong, "Eebo, toto."

Kobala ngin, "Iiritor tope idiotunganan alimokin ijo ebe kidounitai ijo kokwap naka aanyunet?"

Katema eong atiar, "Mam, toto." Abu eong kengala ngin kanen, iteijo, ido abu eong kabala... akoto bon eong aanyun inyo elosi ngin alimun. Kosodi ngin atiar...katema eong. "Mam, toto."

Kosodi ngesi atiar, "Mam kerekak...Mam cut ikejaanakinak iiritotor alimokin ijo?"

Kasodi eong atiar, "Emamei ibore ikamunit eong ka ikejaanakinak."

Kobala ngin, "Uh-huh."

Kasodi eong atemar...ngin-kotema ngin eong atiar...katema eong, "Ee..."

Kobala ngin, "Arai alimok eong ijo apak alopet cut naedounere ijo, iyuuni ijo eong?"

Katema eong, "Mam, toto."

Kosodi ngesi atemar, "Ee, apedor eong alimokin ijo apak naedounere ijo."

Katema eong, "Mam eong eyuunit ngin."

Kosodi ngin atemar, "Edounio ijo Apuli 6, 1909, kosawan itomon adiope tupuruc."

Katema eong atiar, "Edeseikina ngin." Katema eong, "Kikwaini ai ijo ijenuni ngin?" Kasodi eong atemar, "Kolimok ekerengian lo apaaran naedounere ngesi."

Ebala, "Mam eong apedor."

Katema eong, "Kanukinyo? Ikwaikini bo ai ijo ijenuni?"

62 Kobala, "Kongolek, ipa." Ebala ngin, na ageunia ener nuikamunitos acoa naka aisiom aicer kwana, ido kobala ngin, "ngul ikar luipu noi..." Kobala, Iitunit ijo naalomunia aacerit naka atupuruc, ngin naengarenikini lukacoa kwi mama ajai Yesu Kristo?"

Abu eong kasub bala etapaari ngin, ijenete boyesi, katema eong, "Eebo, mam eong ajeni idiobore yenikamunit edini."

Kosodi kobala ngin, "Eebo, iiraritor ijo nuikamunitos kwi lukacoa epote aanyun Yesu."

Katema eong, "Eebo."

Kosodi ngin atiar, "Ee, inyobo arai etunganan lokacoa?"

"Oo," kabala eong, "araasi ngul ikiliok lukacoa, kesi bon nuajeni eong."

Kobala ngin, "Ee, inyobo etunganan lokacoa?" Kobala akesaya, "Ibore yenipe arai eong, ekasioman aicer, 'erereok aicer' enyaritosi kesi ngul." Ido kobala ngin, "Ijeni ijo, eroko Edeke kiswama ibore idio kere kotoma-kotoma akwap, erai duc Ngesi loelimori ngin kotoma akuj, kosodi konye ka akwap."

Kasodi eong atemar, "Mam eong ajeni."

63 Ido kobala ngesi, "Ee..." Abu ngin kiworo aarei arai auni, aarei...aicer auni, bala Mars, Jupiter, ka Venus. Mam arai kes, konye abala ngin, "Apotu ngun kiriorosi kosokono kec kosodete abunere nepepe kaiswamaun..." Kobala, "Ajaasi ikiliok iuni lukacoa luapotu kopotu airiamun ka Ejakait Yesu, ido ediopet arai loko kek loka Kam, kosodi ediopet Sem, kosodi loce je Yapet." Ido kobala, "Naeriamunotor kesi nepepe ko Betelekem, aicer auni nuaponitotor kesi...Kangin itunganan kakwap," kobala, "ejaatar kesi kibore yen ikamanara ka aicer." Kobala, "Kingit caniber ijo ekerengian ngol kanen apak naedungeoria elap kosodi aicerit ngin nakakuj adungeor, mam aikeun ka aijesar nakaakipi nuka angolol euparos kanges kosodi alomun toma."

Katema eong atiar, "Mam iburai eong aingit ngol ngun, ajeni eong ngun."

Kosodi ngin atiar, "Ee, aidounio kon ejai ibore yenikamanara ka aicer ngun kokuju kangina."

Katema eong, "Ee, ngun mam eong ajeni."

64 Kosodi ngin atiar, "Aso, apotu itunga iuni lu luka acoa kopotu." Ido kobala ngin, Kapak nakesi aicer, kapak nakesi... Apote kesi kariino nuegelegela kosodete kesi airiamun Betelekem. Ido ebalasi kesi ebe apotu kesi kojenetu kosodete aingitanar, ido ediopet arai lokokek loka Kam, Sem, Ka Yapet, odwe lu iuni luka Noa." Ido kotema ngin atiar, "Kosodete ngul aponare aima Ejakait Yesu Kristo." Kobala da, "Na anyouniotokesi," kobala, "apotu ngul koyangautu ainakineta kosodete aibwaikin mama ajai Ngol."

Ido kotema, "Abala Yesu Kristo kotoma aijaanakin Ke ebe kedaun alimonokin Akiro nu Nukajokak toma akwapin kere (itunga luka Kam, Sem, ka Yapet), kosodi konye ebonguni bobo ngesi. Ido kobala ngin, "Kwana, aicer ngun, aicer nuka akuj, kwape ejaatar kesi irimete..." Kobala, "Apotu ngun kotaikasi. Mam cut kesi iiritotor ajauna akwap ageun kangin, kojenete. Konye" kobala, "kangul ikar akwat nuipu noi, irrikinos kesi kotoma orotin kec luirimioto koipone kalo." Arai ejai ekerereon aicer ne, ipedori katicepak ijo aijen nuikamunitos ngun nuenera ngin. Mam eong. Aso najaar ngin iner-...Kobala, "Irikinos ngun koipone kangol." Ido kobala, "Kotoma aitun Ainakinet nakapolon kakere naiiritor ainakin itunga, naabu Edeke kijaikinia OkokuKe. Nairiakinotor bobo aicer ngun kairimi kec, kanuinyo," kobala, "kiyakuni Ngol ainakinet ace toma akwap." Kosodi kobala, "aponi kidounai ijo kotoma airiakinet naka apak kangin." Ido kobala, "Kanuka ngun nges ejaikini eong ajenuni ngin."

Ee, kasodi konyet eong atiar, "Napolon, nasodit ber, mam eong eyuunit idiobore yenikamunit ngin. Mam eong arai lokediini, ido mam eong akoto aiyatakin apupun ace nuikamunitos ngin!" Kalosi awai. Kwangin do abu eong katub einer ke katipet. Kwangin abu do eong kaloma kinga.

65 Ido kangnipak adio...nayapikinia eong idio kakesi, epone ngol nges ajaunor. Kasodi eong aoomoom, "Kanukinyo ber iswamata ajokin ngun kwangin?"

Dodo ikalimonokinak, kobalasi, "Erai ngin ajokit! Erai ngin ajokit!" Apotu ngul kijaikisi eong eyuuni ngun.

Kosodi konyet akuare ngin kokuju kangin anaekonia eong...naetodunia Ngol ngun, abu eong kengit Ngol, katema eong atiar, "Ee, kanukinyo eraar amurwok kere ka iboro kwakangul, ka itunga ngul luirumitos ajokin, ebe kesi duc elimonokinete eong nuikamunitos Ngin; kwabo ikapolok lukidiinin lu, iinacan ka, elimonokinete eong ebe erai nuka emoyo lokaronon?"

Kwana aso kopupokisi nuabu Ngesi kolimu, Ngol Loikaja kanen kotoma aputo ngin. Abala Ngesi, "Kwape ajaar kapak kangin, ikoni nepenen kwana da." Kosodi Ngesi agear aitodikin eong, ebe, "Nageunia aijaanakin naka Ejakait wok Yesu Kristo, apotu ikejaanakinak kotemasi atiar, 'Arai Ngesi Belesebul, ajokit;' konye ajokin abalasi, 'Arai Ngesi Okoku loka Edeke, Lokalaunan loka IsraeL.' Ajokin... Ido kongolek Paul ka Baranaba neajaatar kesi kuju laije alimonokin. Apotu ikejaanakinak kotemasi atiar, 'Eutasu itunga luabuburiar akwap. Eraasi kesi luarokok, eraas kesi-eraasi kesi ajokit.' Kwabo imuron-ikadwaran yepetai kalaije kokinga korot abukojen ebe araasi Paul ka Baranaba itunga luka Edeke, kobala, 'Eraasi kesi itunga luka Edeke lukilimonokinete oni erot loka Aijar.'" Ngun mam erai abeit? "Lukimoyoi ka ikadwarak, itunga luirumitosi ajokin."

66 Konye kiilokin oni toma aisia akiro nuka ediini kitoni nemam oni kijenia nuikamunitos Emoyo. Amuno eong iminasi yesi eong akaulo kanu. Konye eraasi kes ngun. Apeleikinit eong Pentikosit, da! Erai ngin abeit. Bon aikalalat ka airimirim ekosio mam erai apolouke ebe ijeni ijo idiobore yenikamunit Emoyo.

Erai arucokin naitungananan ilopet, akonye ka akonye, ngun kesipuda ijo. Ngol nges epone kEkanisa loekapanakin Edeke aitonyoun, erai ngin abeit, naetukokinotor ngul kotoma aimorikikina ka apedor, kotoma Omoyo.

do abu ngesi kitodik eong ngun. Ido abu Ngesi kolimok eong eipone lomam lukejaanakinak apotu komisiikiniata Ngin, ido abu kitigogongik eong ebe mam ikejaanakinak apotu komisiikis Ngin. Ido naabu Ngesi kolimokinia eong nuikamunitos nu ido eipone lo ebe abu Yesu...

67 Katema eong atiar, "Eebo, idobo do nu, iborolu luiswamanakinos eong?"

Ido, koanyu ijo, abala Ngesi, Epote ngun aiyatakin aipuakaar ka aiyatakin da araun nuepolok ido nuepolok noi." Ido abu Ngesi ketodik eong, alimokin eong eipone loabu Yesu kiswama ngin; eipone loabu Ngesi kobunio ido erumit Ngesi Apedor napedori ajenun sek iboro kosodi alimokin angor nuajaasi atan, mam abu kobala ebe erai eketangaleon, abu kolimo ebe eswamai Ngesi iboro ngul cut kwape etodikina Papa Ngesi.

Katema eong atiar, "Ee, eputobo kemoyo loiconi ai ebuni ngol araut?"

Kobala Ngesi, "Arai Emoyo Lokalaunan." Kanen do abu ibore ice kotakanu kotomaka, ebe abu eong kajenu ebe ibore obe yen abu eong kebelok epur nges keyangaunit Edeke eong kanukeng. Ido abu eong kajenu ebe asubit cut eong bala Iparisayon ngul kotoma apaarasia ngun nuatuboros, kepoto kijulutu Nuiwadikatai Obaibuli mamaka erono. Kanukangun do ameun kangin kitoni abu do eong kayanga aijulunet kang elopet naka Ngin, ngun nuabala Emoyo Lokalaunan.

Abu eong kalimok Ngol ebe, "Alosi eong."

Kobala Ngol, "Ajaun Eong ka jo."

68 Kosodi Emalaika ailamar alomar toma Aica naabu kogeu abunore aikunyun kosodi aikunyun, ka aikunyun kosodi aikunyun, ka aikunyun do akejeneKe koipone kangol, kikeun alomar toma Aica kosodi alomar kinga naetogo.

Abu eong kalot ore karai etunganan lokitetet.

Abu kalot laije okanisa kasodi alimokin itunga akiro ngun. E...arai Nasabiti kuare.

Ido kapaaran Nakiuniet kuare apotu ngul koyangautu aberu nen, adiope kotoma anaasin nuko Mayo najai euta atwanare kanuka ekansa, mam arai ibore kilema etoribe. Naalosio eong kanu aiting ngesi, kobuni aitapoet ngareneneke, abu kitodu ngin ebongorit euta aijaanakin bobo kwape anaasit. Ido erai ngin adiopet kangul luiwadikatai ko Louisville, "adautu ikar etwakitosi." Engin kanen ko Jeffersonville kwana, adau ikar ijaanakinia kwape anaasit, naarai, abu eong kangolek kuju nen, ido abu eong kaanyu aitapoet ngin. Abu do eong kebelokin, komam ajeni kotenan nuajai eong aswam, abu kabwoi kanen, abu eong kamaran irwan nasodit kes ayangaun ejautene kwakangol kosodete aiperikin kwap nen. Ido abwoete anaasin ka iboro alukunit ngin, koperi da ngin kanen, ereet eke engodolol ido ecukululosi akekonye.

69 Margie Morgan. Arai ikoto ijo aiwadikaikin ngin ebaluwa, erai 411 Knobloch Avenue, Jeffersonville, Indiana. Arai boot kiwadikaa Adekis naka Obuku Clark, Jeffersonville, Indiana. Kosodi kijaik ngin ijo a-ajenanut ngin.

Abu eong kasesen kwap nen. Ka ejautene ngol losodit kanen, aanyun kane elomuni kinga, kanen kobuni aitapoet. Abu eong kaanyu aberu ngin ijaanakinia kwape anaasit bobo, elosi airimirim, kojok kwabo kogogong ido kongalei. Katema eong atiar, "EBALA KWANATA EJAKAIT, 'Ibuni ijo aijar ido mam itwani!"

Okilenike, etunganan loka adoketait nakokuju kotoma oboro luka akwap kana, abu kongolek eong koipone kangol. Katema eong atiar, "Ipa, sirikuriana! Ebuni akon aberu aijar."

Abu ngol konyaraa eong kinga, kobala...kiworou Imurok iarei arai iuni, kotema, "Ijo ijeni kesi?"

Katema eong, "Eebo."

"Kanukinyo," kotema, "Kiboliator eong emopira loinomanaro keda asuwat ka ngol. Abala ngol, 'Edaunit ekansa arapaar amoeteka ke, mam da ber ijo ipedori ailot ngin ka ekia loilosere amoeten."

Katema eong atiar, "Mam eong apodo ibore yen ejaatar ngin! Ibore ice kokwap kotoma kane, abu eong kaanyu aitapoet! Ido Etunganan ngol loalimokini eong, abala, ibore kere yenaanyuni eong, erai eong alimun ngin ido ebuni araun kwangin. Ido abu Ngesi kolimok eong ido eyuunit eong ngin."

Kituritete Edeke! Apaarasia adis bon ameun kangin ajai ngin aicu ikegoen, kirimirim. Edoli alangiruke nepetai ilatirin akwatat ka akaisakanyikape-kikany kwana, ido kojai engalei cut.

70 Kanen do neacamunia eong, kolosi ngin awai. Kosodi konyet Robert Dauherty anyaraar eong. Ido

kane kolosi ngin, alomar kinga aitor Texas, anatar akwap kere.

Ido akuare adiopet, kotoma irwanaongan arai akany kinga...mam eong abu kapedo ajenun nuka einer kangajepa ka iceboro da kwangin. Abu eong keyuunite Aibatisao naka Emoyo Lokalaunan, abu keyuunite ebe apedorete itunga einer kangajepa. Kosodi akuare adiopet najaar eong alosit alomar o...okanisa ecie, San Antonio, Texas, abu kajai alosi kanen, kojai nen ikesa icie yen eboie kokuju kanen yen abu kogeu einer kotoma angajepa bala emudu lodidi eruo, arai boot emudu loerai emuudu eduorio, erapid. Kanen kokau, kokau cut kanen, abu etunganan ecie konyou ido kobala ebe, "EBALA KWANATA EJAKAIT! Etunganan ngol loejai alosit otut ejai elosi iingaren ka aijaanakin naabu Edeke lokapedor kere kicorak. Ido kwape aponi kiyakiarere Yokana Lokebatisan kwape ekageikinan losodit loka abunore naka Yesu Kristo, kwangin ejaatar ngesi kAisiiraret naisipedoori Abunore Nakiyareit naka Ejakait Yesu Kristo."

Akoto eong tibala alumor alumor kamukaka. Abu eong kangolia kuju, katema atiar, "Ijeni ijo etunganan ngol?"

Kotema ngesi ebe, "Mam, cut."

Katema eong atiar, "Ijeni ijo ngesi?"

Ebala ngol, "Mam, cut."

Katema eong, "Ijeni ijo eong?"

Kotema, "Mam cut."

Katema eong, "Inyobo iswamai ijo kane?"

Kobala ngesi ebe, "Abu eong kasiomu ngin kotoma apapula." Ido idila duc...Arai ngin akuare nasodit naka atukonokin.

Abu eong kangolia kuju nen kasodi atemar atiar, "Oipone bo ali kibunio ijo ne?"

Kobala ebe, "Ice kotoma otungaka kes apotu kolimokis eong ebe abeit ijo ajaun ne, 'eketanganlon loka Edeke,' kasodi eong abunore."

Katema eong, "Mam yesi kere iraasi luijenanara?"

Kobala ngesi ebe, "Mam."

71 Oo, ikatuan! Kanen abu eong kaanyu apedor obe naka Emoyo Lokalaunan...Ne da apak ace kokau kangina abu eong kaomite ebe mam ngin arai nakabeit, ido abu eong kajenu ebe eong...Emalaika lopelo loka Edeke aupanara ka itunga ngul luajaatar ka iboro ngul. Karaida ajaatar ngul ka aijoseonut ka aitolitoluno ka akula da naepol noi kotoma kangin, konye kotoma kane najai ibore ilopet yeni kabeit. [Emamei ibore yenikamunit ateepu katutubet kana.]...Kristo. Ido abu eong kaanyu ngin ebe-arai ngin nakabeit.

Oo, apotu ikar kotuboros kanen, ido kotoma airiamununeta aanyununete itunga, aitapoeta ka ace da kwangin

72 Kadiope pak abu ekenoman aputosia kikam aputo ka Ngol kotoma aputo najaar eong abwoi kanen ice ko Arkansas, eyuunit eong bala arai ngina, kotoma airiamun naekoni bala napena, kotogo lokairiamunun loekoni bala lopelo. Ido ajai eong abwoi, atamit aitetemun Ngin. Ajenete itunga, eboionokinos kesi kosodete aipup, luaMethodists, luaBaptists, luaPresbyterians, ka ice da kwangin. Kosodi kanen abu eong kangolia, elomuni kokek, kobuni Ngin kane, elosi, "Whoossh, Whoossh!"

Kasodi eong atemar atiar, "Mam bobo iburai eong aiyatakin einer, naarai kwana abu ngesi." Kosodi ngin aiwotun kuju, kosodete itunga ageun aikalal. Kodokuni kuju ne ajai eong kosodi abwoun kanen.

Cut nape ejai Ngin asipokin, abu ekejaanakinan ece kokeru kuju kobala, "Atemasi, aanyu eong Ngin!" Ido abu Ngin kinom ngol aitumudak kwape-kwape tikepedoria ngol araut, kigetigetaar kau. Ipedori cut ijo angolekin aputoke kanen kotoma aput naejai nen oitabo kosodi aanyun ngesi igetigetaar kau kitulurite akekou koiponekangol. Ipedori ijo aanyun aputoke.

Ido kanen abu kosipokin. Ekenoman aputosia bon loka apapula naka iyemuto nges abu kikam Ngin kapak kangin. Konye mam Ejakait akapakina.

73 Ido akuare adiopet ko Houston, Texas, ne, oo, ilukumin irwan ilukumin luka itunga...kijaar ka ilukumin ikanyauni kalaije ko inyo-inyarit-ijo-ngin, kalaije kagola naikosiere, abongor laije toma Sam Houston Coliseum ngin nakapolon.

Kosodi kanen kotoma opeget ngol kakuare kangin, neabu ekalimonokinan loka Baptist kotemaria ebe eong "mam arai idiobore kilema lokesoswai ido ekengalan, kwabo ibusakinit ti airengear kinga kotaun

kangol" ido ibusakinit ti erai ngesi iswamauni ngun.

Kotema Onac Bosworth atiar, "Onac Branham, ikoto tope ijo ti kiswamaun ibore kwakangin? Kisideleu ngol!"

Katema eong atiar, "Mam, cut, mam eong acamunit iceleta. Akiro Nukajokak mam eyangunitai kanu acelar, eyangaunitai Kes Ajaria." Kasodi eong atemar atiar, "Komam apod eipone loisuparia ijo ngol, ebuni ngol aiyatakinit koipone kangopekangol." Katema eong atiar, "Ngo...mam ngin ijulakini ngol nepetai da. Arai mam Edeke edepori ainerakin ka etaukeng, biaibo do apedoria eong?"

74 Apaaran na atupakini kolomuni ngin, kobala, "Itodiarit ngin ibore yen iswamatore kesi," Houston Chronicle. Ebala, "Itodiarit ngin ibore yen iswamatere kesi, ekuriaka kesi aibwo kanuka ngun nuelimonokinete kesi."

Epolon Onac Bosworth abu kobi mamakang, arai loalomarit toma okaruke luka kais nukanyaarei kapak kangin, onac emojong lominat, kotun eong, kotema atiar, "Onac Branham," kobala ngesi, "ipeleikinit ijo aigir aibwo kanu kangun?"

Katema eong atiar, "Mam, Onac Bosworth. Mam, cut. Mam eong alosi acamun aibwo kanu kangin." Katema eong atiar, "Mam ajokis adio naiswamauni ngin." Katema eong atiar, "Eyangauni bon ngin ecelet nakinyounio oni kotut." Katema eong atiar, "Ajai eong aitolot airiamun kopekwana, ido mam eong akoto aijaikin iboro eraunos kere luemunauna koipone kangol." Katema eong, "Kojalak ngesi kolot akonye." Katema eong, "Kesi ngun bon, ejai bon ngol atata einer." Katema eong atiar, "Kijaunor lem sek oni kangul, ido emamei ajokis adio naiswamauni ka kesi." Katema eong atiar, "Enyounete cut ngul awai, kosalitos ikulepek elosete koipone kangopekangol."

Katema eong atiar, "Arai irwan atipet kedumutu kesi ajenun naka Abeit kosodete kesi aigir aijaun Ngin, ebala Ebaibuli ebe adautu ngul atubor kaigerosit na etiakit ido mam isionio kes kotoma akwap na karaida akwap naebunit. Enyaritos kesi Ngin 'ajokit' ido mam nuepedorete kesi aswam. Irumit ngul emoyo loka ediini lo da erai ajokit."

Imwasi ai ejenete ebe erai ngejabeit? Eebo, cut, koraasi teniteni luitogogongitos nugeunet cut kwape edeporiata araut. Aso, konyet do, mam ngin elosit ejok noi nealimunio eong ebe "itogogongitos nugeunet," konye erai ngejabeit. "Ejaas kaput naka ayongit Edeke kwabo kongerito Apedorike." Erai ngejabeit. Aanyuneta ka nukaumokin kes itodiaritos Edeke, duc. Ido abala Ngol ebe abuni ajaut kapaarasia nuka wasia ibore ngipengin. Ido koany!

75 Epolon Onac Bosworth, eong...abeit ngesi abunore aupun ka eong, ido abu kosubite bala epasit nges. Aapie nepe abongunio ko Japan. Abeit ngesi ajaun ne. Ebuni ngesi elosit ajaun ka eong Lubbock. Kwangin do mam nges kerai...adeka ngesi etuuru edio tai, lope erono, kanuka ngun mam ngesi apedori abunore na, ngesi ka aberuke. Ido kanukangun ngesi...

Kotoma aomisioit kere abu ngesi kosubite bala Caleb. Abu ngol kobwakanen, kobala, "Ee, Onac Branham," aikweny ngin naitodiarit iponesio luejokuka, ijenete boyesi, kobala ngesi, "Kocamak eong kalot keswama ngun," ido kobala, "arai mam ijo ikoto."

Katema eong atiar, "Wu Onac Bosworth, eong-mam eong akoto jo aswam ngun. Ibuni jo elosit ingangat."

Kotema ngesi atiar, "Mam ebuni ajaun akirot adiopet da naka angangate."

Kwana, nepe eringa eong kegolokino, kopupok nu. Abu ngol kijesar kwap ngina. Katema eong atiar, "Arai mam jo ibuni angangate, mam ace."

Kobala, "Esumunit eong mam angangate."

76 Bala itunga ilukumin akaisauni kesi apotu kotukokinios kanuka etogo lokairiamunun ngol kakuare kangin. Onac Wood, iboie kalailo, ajai ngina apak ngin, ido eboie kotoma togo ngol lokairiamunun. Kosodi eong...

Kobala etelepat kang ebe, arai...Mucaala kang kobala, "Mam ijo ilosi aijesar toma airiamun ngin?"

Katema eong atiar, "Mam. Mam eong tiakoto elosit aijesar ngina ido aipup ngul engangatos. Mam, cut. Mam eong tiakoto elosit ngina ido aipup ngin."

Kedol kuare, abu Ibore ice kotema, "Konyou kolot ngina."

Abu eong kadum e taxi, onaceka, ka mucaalaka nepepe ka ikadwe, kasodete aloosite aijesar. Ido abu eong kadoka kuju cut atiakunet na akaisauni kane iboiere, kuju noi koipone kangol, kasodi aiboikin."

77 Abu epolon Onac Bosworth kolot nen bala cut etunganan lokapolon, ijenete boyesi. Kikopiat ngesi

ace...ajaatar ngesi ka aisumuneta akwata kanyakape nuegelegela kotoma Obaibuli ikopiaunitai kanan. Kotema ngesi atiar, "Kwana, Emuron Best, arai ikoto ijo kodoku ne kosodi alemun adiopet aisumuneta nu kosodi da aitodiar ngin kwape namam erai nakabeit kitwasamai Ebaibuli. Kangini diopet kotoma aisumuneta nu ejai toma Obaibuli, ikamanara ka Yesu Kristo aitangale lukadekak kotoma apaaran kana. Arai kilemu ijo adiopet kotoma aisumuneta nu kosodi, ka Ebaibuli, aitodiar ngin kwape nakaisab kede Ebaibuli, eboikin eong kwap, kasodi aiyoga ijo kakan, atiar, 'Ideseikinit ijo.'"

Kobala ngol ebe, "Abuni eong adaun ngun neadokunia eong kuju nen!" Akoto ngesi aiwasi tetere ngesi inputari nuka Onac Bosworth, iteijo.

78 Kanuka ngun kotema Onac Bosworth atiar, "Ee, Emuron Best, akoto eong aingit ijo adiopet, ido akoto eong ijo abongokin eong 'eebo' arai 'mam,'" kobala ebe, "Tido oni kingetaki epeget lo cut kopekwana."

Kosodi ngol atemar atiar-kotema ngol atiar, "Abuni eong adaun ngun!"

Abu ngesi kingit loapolokinit epeget arai edepori ngesi aingit ngol. Kotema ngol, "Eebo."

Kotema ngesi atiar, "Onac Best, ikiroria luka Yawe lulakunet araasi kesi lueswamaete kama ka Yesu? 'Eebo' arai 'mam'?"

Abu ngin kodau ngun. Kesi ngun bon. Mere kalimok yes, abu eong kapup icebore ejai cut alosit kotoma kang. Mam cut eong aoomoomotor nukangin, eong elopet, iteijo. Ido abu eong kaoomom, "Oo, ikatuan, mam ngesi edepori abongokin! Ngin nges aweniki nges."

Kobala ngesi, "Ee, Emuron Best, ekoni eong-ariengu eong noi."

Kobala ngol, "Abuni eong adaun ngun!"

Kobala, "Ariengu eong noi naarai mam ijo ipedorit abongokin aingisete ka naepatana." Arai ngesi cut loasipo ido kinapakina, ido ajeni ngol neabwoia. Aso kanen abu ngol kiboikin kwap nen ka Aiudadikaet ngen nakObaibuli.

Kotema ngol atiar, "Kitwasam akonidakikan akaisauni, abongokini eong ekaulo kangun!"

79 Kosodi epolon Onac Boswoth aiboikin kanen ka alemun da ngin Naiwadikatai Obaibuli ka aiwenikin etunganan ngol kotoma aibois kwakangin kitoni ereeteke arengeun noi kwangin tikipedoo akwetun akim kotoma, aapiarit.

Abu ngol konyou kanen, konyunyura, kosodi acakar apapulai aisiarakin kwap naketogo, kodoka kuju nen kosodi alimonokin alimonokinet naejok naka Campbellite. Abu eong karai loBaptist, ajeni eong nuiyuunitosi ngul. Mam cut ngol...Alimonokini ngesi nuka ajarun, "'Naenapia na naetwani amamus aibos,' nges konyet kijaunor oni ka aitangaleun naka Edeke." Oo, loka! Kanukinyo bobo kipudar oni aitangaleun naka Edeke akaulo oni araun lumam kitwaki ("naenapia naetwani na amamus atwanare,"-ajarun naka lukatwak)? Abu da ber ngol kibuonokin aswamisioit nakapedor naabu Yesu kiswamaik Lasaro, kobala, "Abu ngol kotwana bobo, ido arai bon ngin ibore yen kapak naedit." Iteijo?

80 Ido akaulo nangesi angetakin koipone kangol, abu kotema atiar, "Koyangautu tope yesi eketangaleon ngol loka Edeke akoto eong aanyun ngesi iswamai!"

Apotu kodumutu epeget edio kanen. Kotemari Onac Bosworth atiar, "Aumok eong ijo, Onac best, mam abongokin angiset adiopet naabu eong kengit ijo."

Aso abu do ngol komaranu kanen teniteni, kobala ngol, "Koyangautu tope yesi eketangaleon ngol loka Edeke akoto eong aanyun ngesi iswamai!"

Kobala, "Onac Best, iyuunit ijo ebe itajarununos itunga?"

Kobala, "Cuticut!"

Kobala, "Ikoto ijo konyarai ijo eketajaran loka Edeke?"

Kobala, "Mam cut!"

"Mam karaida...Ngin mam itarauni ijo eketajaran loka Edeke naarai ilimonokini ijo aitajario naka eta."

Kobala ngol, "Ee, cuticut mam!"

Kobala, "Mam karaida ngin itarauni Onac Branham eketangaleon loka Edeke kanuka alimonokin aitangale naka Edeke kanuka akuan. Mam ngesi erai eketangaleon loka Edeke, edodiarit ngesi itunga neejai Yesu Kristo."

Kosodi ngol atemar atiar, "Kisukunyutu ngol ne, akoto eong aanyun ngesi iswamai! Kocamakisi eong

kerere itunga ngul, ketubor ekaru ameun lolo, ido kalimokini yes arai eyuunit eong ngin araibo mam."

Kotema Onac Bosworth atiar, "Onac Best, epupo ngin bala ejautene ece ko Kalivario, 'Kodok komusalaba isio da kiyuuni Ijo." Iteijo?

81 Kosodi do, oo, koresiar do ngol teniteni. Kotema atiar, "Akoto eong aanyun ngol iswamai! Akoto eong aanyun ngol iswamai!" Apotu lukedarak ayuara kisibokisi nges. Abu ngesi kolot laingol, ido ajai kanen ekalimonokinan loka Pentikost ebwoi, abu kibap ngol kojai atubor kotut. Ido apotu do ngul kitobwoutu ngesi kanen. (Kwangin do kotema Onac Bosworth atiar, "Ne, ne! Mam, mam." Kanukangun apotu do lukedarak ayuara kisibokisi nges.

Abu Raymond Richey konyou aibwo, kosodi atemar atiar, "Na nges abwoetait naka Southern Baptist Convention?" Kobala, "Yes ikejaanakinak luka Baptist, Southern Baptist Convention iyakunit etunganan lo ne arai bo ngesi elopet ebunit kanuke?" Mam apotu kobongokisi. Kotema ngesi, "Engisit eong yesi!" Ajeni ngol ngul, ngingidiopet kakesi.

Kotemasi kesi atiar, "Ebunit ngol kanukeng elopet." Naarai ajeni eong ebe iyuunitos luka Baptists aitangale naka Edeke, kesi da. Kanuka ngun kobala ngesi ebe, "Ebunit ngol kanukeng elopet."

82 Aso kwana do enuta nuapotu kotakanutu kapak kangin. Kosodi do Onac Bosworth atemar atiar, "Ajeni eong ebe ejai Onac Branham toma airiamun na, arai ekoto ngesi abunore aitwar ebiina, mam ace."

Aso abu Howard kotema atiar, "Kiboi ijo kopala!"

Katema eong, "Eboie eong kapalarite."

Ido kapak ngin abu Ibore kirimu, kogeuni airimokin, ido abu eong kajenu ebe arai Emalaika loka Ejakait, kobala Konyou "kobwo!"

Nepetai itunga akwatakany kopotu okodakis akanini kec nepepe koiponekalo, kosodete aiswamaun erot, abunore aijesun kitoni otut.

Katema eong atiar, "Ipapero, mam eong arai eketangaleon loka Edeke. Arai eong onacekus." Katema eong, "Onac Best, komam a..." Arai, "Onac Best," Katema eong atiar, "Komam erai ebe mam epodokinitai ijo, onaceka, mam nepecepe da. Ijaatar ijo kapedor ajaut ka eipone loisesenia ijo, kwape kwangin eong da." Katema eong, "Ejena cut ebe abu komen ijo aitogogong ngun, adeseikinet kon, kanuka Onac Bosworth. Mam da ijo tikipedoo kanuka imodiotunganan yen esiomit Ebaibuli ejok, yenejeni iboro ngul." Katema eong, "Kwape ejaatar nuikamunitosi aitangale itunga, mam eong apedori aitangale kesi, Onac Best. Konye ajai eong ne ngingikuar, arai ikoto ijo aanyun Ejakait iswamai aswamisio nuka pedor, kobia abunore. Iswamai Ngesi ngun ngingikuar."

Ido abu ngesi kotema atiar, "Akoto eong aanyun ijo itangaleuni itunganan kosodi kocamak eong asesen ngin! Ipedori bojo acepak aikamar aomisio kec kacoakon naka aikam aomisio, konye" kobala, "akoto eong aanyun nges ketubor ekaru edipet ageun kanen!"

Katema eong, "Ee, ijaatar ijo kapedor aanyun kesi, Onac Best."

83 Kotema ngesi atiar, "Emamei ibore kilema yesi atukot naka ibangiok lukalaunak-luibelibelozi iyuunete iboro kwanat kangun. Mam luka Baptist iyuunitos abanganut kwanat kangun."

Kotema Onac Bosworth atiar, "Apak edit ber," Kotema, "Imwasi ai itunga kokinga kanen, kotoma airiamun na nakaisabitin iarei kane, luebwoete kacamanara naejok noi ka ikanisan luka Baptist lulukajokak kane ko Houston, luedeporete aitogogong ebe abu Edeke kitangaleu yes kapak najaar Onac Branham ne?" Ido apotu luedeparete akwatauni konyoutu aibwo. Kotema atiar, "Idobo do ngul?"

Kobala ngol, "Mam ngul eraasi luka Baptist!" Kotema atiar, Epedori idiotunganan kere aitijenaar ibore idiokere, mam ijaijini ngin araun nakabeit!"

Kobala, "Ebala Akirot naka Edeke ebe erai ngin naka beit, ido ijo ipedori aitepeg ngin. Ido ebalasi itunga ebe erai ngin nakabeit, mam ijo ipedori airiun ngin kwap. Aso kwana do nunyoika ilosi ijo aswam kanu ikamunitos ngin?" Iteijo, koiponekangol.

84 Katema eong atiar, "Onac Best, alimonokini eong ngun nueraasi Abeit. Ido arai eong loenera nukabeit, ikamunitosi Edeke nuaigang Abeit." Katema eong atiar, "Arai mam Ngesi...arai mam Ngesi igangi Abeit, apolouke mam Ngesi erai Edeke." Kosodi eong atemar, "Mam eong etangalei itunga. Aponi eong kauruun ka-kainakinet naka asesen iboro, aanyunun ngin iswamaunun." Katema eong atiar, "Ajeni eong ebe mam emisiikinitai eong, konye emamete nu apedori eong aswam alemar aitodolikin aipup nakotauka." Katema eong, "Eyuunit eong ebe abu Yesu Kristo kojaro okatwak. Ido arai Emoyo ngol loebunenei ka aitodianar aitapoeta ka iboro ice da kwangin, arai erai ngun kes ejai abuonokin, kobia kosodi aanyun." Katema eong, "Kesi ngun bon." Konye abu eong katema, "Konye eong elopet, mam apedori aswam

idiobore kanukang elopet." Kasodi eong atemar, "Arai alimonokini eong Abeit, ikamunitosi do Edeke kanuka, aitijenun ebe erai Ngin Abeit."

Ido bala kapak kangin, Kolosi icebore, "Whoooossssh!" Kanen kobuni Ngol, abunore cut kwap. Kosodi ekenoman aputosia loka American Photographer Association, Douglas Studios ko Houston, Texas, itingit akamera iboie kanen (imikitai ngul ainomanar aputosia), ainomar aputo ngin.

85 Najaatar ngul nen ainomanar aputosia nuka Ejakait Best, ido ngol-kobala ngol, erokoher eong kijusuna kwap nen, kotema ngesi atiar, "Kidareuber apak edit! Kijaar eong kaputosia nuelaete noi eponitos kane!" Kobala, "Nee, kinoma kwana aputoka!" Ido abu ngesi kibwaik ebokoritike toma okume loka epolon ngol etunganan lokalaunan, koipone kangol, kobala, "Kwana kinoma aputo ka!" Kosodete ngul aswam kwangin. Kosodi bobo ngesi ailungakin akekan kosodi aikeun ngin kuju, kobala, "Aso kinoma kwana aputo ka!" Ido apotu ngul kinomasi ngin koipone kangol. Kosodi bobo ngesi aswam kwangin, aibwo kanu ainomario aputo ke. Kotema ngesi atiar, "Ipoteysi aanyun na kotoma oitaboka ngol loka apapula ka!" ikoninen.

Abu Onac Bosworth kobwo kanen ido mam abu kolimu idio bore. Konye do apotu ngul kinomasi aputo naka nu.

86 Korot abongor ore akuar ngin, (esapat Lotulikit nges enomari ngin), abu kolimok esapat loce lo, "Inyo iwomit ijo kanu ikamunitosi Ngin?"

Kotema ngol atiar, "Ajeni eong ebe abu eong kecaarite ngol. Egoitangol loabu kolemar koporoto loka aberu kangin, abala eong ebe abu ngol kikamaa ngin aomisio." Kobala, "Epedori acepak kebiroro eong kangin."

Kobala, "Iwomit ijo kanuikamunitosi aputo ngin?"

"Mam eong ajeni."

Apotu ngul kilumokisi ngol toma asid. Aputo kangol nata, ipedori ijo aingit ngesi arai ikoto ijo. Apotukesi kolototo ore, eboie ngol kanen komasi esigala. Koloma toma kosodi airiun adiopet naka Onac Bosworth, amamei bore ajai. Kiriuaarei, auni, aongan, akany, akanykape, ido ngin idiopet kakesi aorori. Mam Edeke akoto acamakin aputo naka etunganan Ke epolon lokalaunan ebwoi kanen nepepe kalokesoswai ngol, ka ekekume, arai akanike, ilungakitai kijangijangete kokwad naka ekekume kwangin. Mam Ngol akoto acamakin ngin.

Apotu kesi kiriutu naatupakini, kwabo Ngin nges kejai nen. Abu etunganan ngol kojaunotor ka ariengun nakaetau, ebakasi kesi, akuare ngin.

ido apotu kesi kijukasi enegative lo ngina Washington, DC. kogolitete, kinyakunete.

87 Kosodi George J. Lacy, ekapolon loka F.B.I. kotoma akiro nuka aidam ibokor ka aiwadik, ka ace kwangin, ediopet kotoma lukapolok kakere kalu ejiasi akwap kere, aponi koyangaunai nen ido abu kodau apaarasia aarei euta aingic akamera, aica, ngnibore ice. Ido nakiponia sio kajoset kangin, abu kotema ebe, "Reverend Branham, arai lem eong loecaarit ijo, da." Kotema ngesi atiar, "Ido abala ebe erai aisiom aomisio, itunganan ice abala ebe aanyunitos kesi Aica ngin ka iboro kwakangul." Kosodi kabala, "Ijeni ijo, lokesoswai lomojong ngol atapit alimunun kwangin" (apelekinit ngesi ngin yenimam iyuunit) "'aputosia ngun nuejaasi, etaluka ngol loirimorit Kristo, irimorit lukalaunak, 'kobala ngesi, 'arai bon ngin kapatantu aisiom aomisio.'" Konye kotema atiar, "Reverend Branham, akongu na acuma naka akamera kana mam edepori ainomar aomisio! Kubu aica ngin kotiro alabira naka akamera, abu kotiro e negative, ido kejai ngin nen." Ido kobala ngesi...

Abu eong kejaik ngin mama kec. Kobala ngesi, "Oo, ekatuan, ijeni tope ijo etiai loka ngin?"

Kasodi eong atemar atiar, "Mere mama kang, onac, mere mamakang." Ido kanukangun kotema ngesi...

Ejena bo ebe, mam ngin ebuni aiswamaun iroko ijo ijari, konye apaaran ace, arai iyatakinit apolo alosit akonye ido koroko Ekristayone esalit, ejaun ibore ice yen iswamaun kanu ikamunitosi nu."

88 Aso, ipapero, akuare na arai erai na airiamun wok naka wasia kakwap kana, yesi ka eong kiboikino toma Ajakut naka Edeke Lokapedor kere. Ajenanut ka erai nakabeit. Ipu, ipu iboro, ti keyangaiki atukono nuka iitabon kanu aiwadik ngin, konye akoto eong yes ajenun.

Imwasi ai ejiasi ne luapotu kotenan cut, komamei aput ngin, koanyunitotor Aica ngin Alopet ebwoi airimorit neajaar eong alimonokin? Kikiasi akanini kus, aimoriarit etogo kere, itunganan idiomere yen iiritor aanyun Ngin. Iteijo, akanin akany kauni arai atomon kalu iboiete kane.

Itemari ijo atiar, "Epedorete-epedorete kere kangul aanyun Ngin ido komam eong aanyuni Ngin?" Eebo, ipa."

Ngin-Aacerit ngin na atupitosi itunga kwi lukacoa, etorit kuju naka ngin itelues. Emamei yenabu koany Ngin kilema ngul. Arai ngul bon kes apotu koanyutu Ngin.

89 Abwoi Eliya kanen koseseni amagalin ngun kere nuka akim, ka ngin ibore ice kere. Ido abu Gekasi kongolengole, mam abu kopedo aanyun ngun kanen idio. Kotema Edeke atiar, "Kopuko akekonye tetere ngesi edepori aanyun." Kosodi konyet koany ngol ngun, iteijo. Konye kere kaarai ngol etelepat loajokuna, ebwoi kanen engolengolei, konye mam ngesi apedori aanyun ngun. Cutibo. Einakinitai ice aanyun, kwabo ice mam. Ido erai ngin nakabeit,

Konye kwana yesi lumam iiritotor aanyun Ngin, mam iiritotor aanyun Ngin, ka yesi luipotu koanyutu Ngin ka akongukus naka akuan kwabo mam ianyunitotor apoto, konye ca ngul lueanyunitotor apoto kesi ejaatar ka aitogogonget naitelekaarit yes luipotu koanyutu Ngin ka akusikonye nuka akuan. Naarai yesi, kakonyekus nuka akuan, ipedorete acepak aibucarit, edepori acepak arai eitapo. Ngin mam kerekera erai nakabeit? Konye mam ngin erai eitapo, arai Ngin Abeit. Aso Ejakait Yesu nges abu kiswama nu.

"Inyobo do iwomit ijo ebe erai Ngin," ibala ijo, "Onac Branham?"

90 Eyuunit eong ebe erai Epir loka Akim jepeje loengarenikinit idwe luka IsraeI anyoun ko Misiri kiton Palestine. Eyuunit eong ebe erai Emalaika jepeje loka Aica loabu koloma toma-toma aidaris kolosi toma neajai Petero Lokalaunan kosodi atiror ngol, kolosi aingaren ka angaar da ekek kosodi aitolomun ngol kinga toma aica. Ido eyuunit eong ebe erai Ngon Yesu Kristo ngopengol bian, ka lolo, ido kiton ikar kere. Ebuni Ngesi ikar kere araut Yesu ngopengol.

Ido najaar eong enera nuikamunitosi Ngin, Aica ngipengin naejai toma aput ngin ejai o...ebwoi kane mam edeparit ipuutin iarei kane abwoia eong cut kopekwana. Erai ngin abeit. Mam eong apedorit aanyun Ngin ka-kakakonye, konye eong ajeni ebe ebwoi Ngin kane. Ajeni eong euta ngin asipokin aapu kosiep ka kopekwana. Oo, arai bon yesi kojenete atiaketait kapak naikamaria apedor naka Edeke Lokapedor kere, ido eipone loetakaniata iboro egelakina!

91 Erai ngin ainingosit, neejai idiotunganan. Mam eong ebeit ailipanakin itunga lukadekak, abeit eong aisumun. Konye ejai aitapoet ikaja kokuju otunga. Uh-huh. Ejeni Edeke ngin. Mam eong abuni anyaraun ekokoro loka ailip, alosi bon eong ajalakin yesi iboiete kanen. Imwasi ai kayesi itunga mam ijaatar ka akaadi naka ailipakinio? Kikotosio aanyun akonikan, itunganan yenemameotor ka akaadi naka ailipakinio, emameotor ka akaadi naka ailipakinio.

Amucaalat nakirionon naiboe kane, aseseni eong ibu ijo kikiarite akanin kon. Ngin erai abeit? Kobwo ber ijo tetere eong alelengi ber ijo apak edit. Mam eong ajeni nuebuni Emoyo Lokalaunan alimun, konye ijab ijo iseseni eong kamunionut naepol noi. Emamei jo akaadi naka ailipakinio? Arai kitojok apukokin eong ationis kon...ajai bon eong aswam nu kanuka ageunia, kanu bon ageun. Iyuunit ijo eong ebe arai...Ijeni ijo emame idiobore...emamei karaida ibore idiopet yenejok kanu ikamunitosi eong. Arai irai ijo aberu naidukokina, mam eong edeparit okilenikon. Arai bon eong etunganan. Konye Yesu Kristo nges erai Okoku loka Edeke, ido abu Ngesi kijuk Emoyo Ke kanu aitodiaar iboro lukwape lukabeit.

Arai kitojok Edeke alimokin eong ibore yenerono kamakon (ido ijeni ijo ebe emamei eipone loapedoria eong atiror ijo nepecepe da), ibuni tope ijo aiyuun ketaukon kere? [Ejaasi nualimu inac.] Kisirereng Edeke ijo. Anyou bodo epuresia kon loka aokot enyeiki ijo. Arai nges kijaatar ijo. Ngin mam keraka arai abeit? Kiboikin bodo.

Kiyuu ber ijo ngek kadiopek! Eningorit eong idiotunganan aiyuun Ngon.

92 Kongolek ne, mere ber eong kalimok yes icebore. Marita, ebuni neajai Ejakait Yesu. Ainakinet ngin mam cut tiiswamat...Akaulo na Papa adaunite sek aitodikin Ngesi ngun nualosi Ngesi aswam. Mam cut Ngin ti iswamat. Konye abu ya kotema atiar, "Ejakait, eong...Arai Ijo kojai ne, mam onaceka ti ketwana." Kobala, "Konye ajeni eong ebe kere nupe ilipi ijo Edeke, kiinakini Edeke Ijo."

Kotema Ngol atiar, "Arai Eong Ajarun ka Ajar da, ngin yenikeyuuni Eong karaida ketwanit, konye ejari. Ido itunganan kere yenejari kosodi keyu Eong mam cut etwani. Iyuunit ijo ngun?"

Kopupok nuabu ngin kolim. Kotema ngin atiar, "Eebo, Ejakait. Eyuunit eong ebe ngin ibore kere yen ilimunit Ijo erai Abeit. Eyuunit eong ebe irai Ijo OKoku loka Edeke loabait abunore toma akwapin." Erai ngol eponeke lodolokinet, kaitasano.

Ipupi ijo aitegelikinet, ijo mam, amucaalat? Eebo. Erai ngin abeit.

93 Amucaalat nginididi ngin naiboe cut kanepe kanen, kanen eiduny kajo, ngesi da, edeka ajimis nukakojo kotoma ailenyeta ka ationis da naka angor. Ngun mam eraasi abeit, ijo amucaalat? Konyou ber kobwo apak edit, amucaalat ngin naenapit eteitei loarengan. Ibu ijo koyapiei noi, abu aitapoet neijai ijo. Ajimis nukakojo kotoma ailenyeta, ationis naka angor. Ngin erai naka beit? Kosodi ejai icebore kotoma aijarakon (ijaatar ijo-ijaatar ijo adum angolekinet najokan erasakinit cut mamakon): ijaatar ijo ka

aiyalongongo naepol noi kotoma aijara kon, ationis naepol. Ido ationis ngin erai naikamunit iminatakon, erai okilenikon. Erai ngol ekamerat. Mam ekoto alosit okanisa. Arai eraasi ngun nukabeit, kikia akonikan. Kisirereng Edeke ijo, amucaalat. Kolot ore kwana kosodi aijaun arerengukon. Idau ijo angaleun, ejulakin araun aica airimorit ijo.

94 Etunganan ngol loiboe eiduny kangol kanen. Ijo, ipa, iyuunit ijo? [Ebala onac, "Eebo. Eyuunit."] Kekonitau kere? ["Eebo, cut."] Amameun ijo adiope kotoma nukaipup kon. Erai ngin aipup naka ainguun. Ngin mam erai abeit? Arai erai nges ngin kikia akan kijangijang. ["Erai ngin abeit."] Kidokokakanikon akituk kon, koipone kalo, kotema, "Ejakait Yesu, eyuunit eong Ijo kekatau kere." ["Ejakait Yesu, eyuunit eong Ijo kekatau kere."] Kisirereng Edeke ijo. Aso kolot. Ibuni ijo adumun aitangaleun kon.

Kiyuutu Edeke! Nunyoika bo iwomitosi yesi kere kanu ikamunitosi Ngin, kokau kangina? Iyuunitosi yesi? Korautu luiyapaara!

Ejai amucaalat naiboe kokau cut laije okoona. Aseseni eong Aica ngin ikaja kokujuke. Ngol bon eipone loapedoria eong ajenun idiobore yenikamunit ngin, Aica ngin naikaja. Aica naka nepekanne cut ikaja kokuju naka amucaalat kangin. Acepak kotoma apak naedit, arai kapedoo eong aanyun ibore erai ngin. Ebuni ngin atakanun...Amucaalat ngin edeka a-ejaatar ka ationis naka eta. Eseseni cut ngesi eong.

Ido iboie okilenike eiduny ka ngesi. Ido edeka okilenike adeka ace. Eapie nepe adekar, itakadikina, edeka. Ngin mam erai abeit, ipa? Kikia akanini kon kuju arai erai nakabeit. Erai ngin abeit, eraijo, amucaalat, nairwait itabala komurusing kangina. Ejakait ngol, ngin mam erai abeit? Ijo mam tope ipupi aitakadikina lolo? Emojirete ijo iboro luka akoik, etunganan ngol. Erai ngin nakabeit.

Yesi kere kiyuutu ka ekusitaun kere, airotarit yes kere? Icamunit ijo Ngin? Ipa, alimokini eong ijo, ijo da, aseseni eong ijo ikeit akanikan, einono loka aimat esigala. Kojalak aswam ngun. Imasi ijo esigala, mam ibusakinit ijo aswam ngun, ijaikinit ijo ideka. Ngin mam kerekera erai abeit? Arai erai, kikia akanikan kosodi aijangijangakin koipone kalo. Ngin ngesi itakadikit ijo. Erono kanuka angaleukon. Kocaka ibore karonon ngin awai ido mam bobo iyatakini aswam ngun, ido ibuni ijo aipikor ngun kosodi angaleun, ido ebuni ationis naejai otou loka aberukon anyoun kamake. Iyuunit ijo ngin? Ngin mam tope erai abeit? Mama eong apedorit asesen ijo kane, ido ijeni ijo ngin, konye inapit ijo esigala ko...toma-kotoma oisawokon koingaren. Erai ngin abeit. Kout iboro ngul kinga kosodi kidokokakanikan mama ejai aberukon, kolimok Edeke ebe mam bobo ijo ikoto eipone iboro kangul, ibuni ijo alosite ore ingalei, ijo ka aberukon ingaleunete. Kituritete Ekor loka Ejakait Yesu!

Iyuunit ijo kekonitau kere?

95 Amucaalat nadidi na naiboe kane koseseni eong kane. Ijo ko...koicolong lokoingaren kane, iboie cut kene. Amucaalat naedit na...naeseseni eong, naiboe cut kanepekanen. Mam ijo...Ijaatar ijo ka akaadi nailipakinio, amucaalat, cut kanepekan? Mam ijo ijaatar kamodio kaadi nailipakinio? Iyuunit ijo kekonitau kere? Iyuunit ijo ebe epedori Yesu Kristo aitangaleun ijo?

Nunyoika iwomoomoi kanu ikamunitosi Ngin, ijo ngin naiboe eiduny kangin? Ijaatar ijo ka akaadi nailipakinio, amucaalat? Emamei? Ikoto angaleun, ijo da? Ijo mam tope ikoto alosit ainyam bobo kwakoleje sek iswamanana ijo, tikodaun ationis naka akoik? Iyuunit ijo ebe ejai Yesu aitangaleun ijo kwana? Konyou kobwo arai iyuunit ijo ebe abu Yesu Kristo kitangaleu ijo. Ijaatar ijo sek ka ajimis nuka akoik, ijo mam? Erai nueyangaunit ejautene loka aiyalongong. Idau ijo apak naepol iyalongongoi. Kacut asids ka iboro, arai apeleikinit eong esubuni ngin asid, ido ijaikini ikel ailiok naijerunia ijo ikon inyamat ainyakun kuju toma akitukukon. Eraasi ngun abeit. Eebo, cut. Erai ngin peptic als, ajai ngin ewalajikina kwap naka akoikikon. Icwei ngin acepak akaulo naka ainyam ka cut emugati loibwangaritai kosodete aiworiworakin akinyet. Ngin erai abeit? Mam eong ajai aisiom aomisiokon, konye Emoyo Lokalaunan erai lomam ibiror. Idau ijo kwana angaleun. Kolot ore, korai loingalei.

96 Inyobo iswamaete yesi kokau kangina kalaingol kakan kana? Ice kayesi kalaingol luimameotor ka akaadi nailipakinio, kikia akanikan. Idiotunganan yenemameete ka akaadi nailipakinio. Mam ace, koraasi luiyapaara, kiyuunite kekonitau kere. Ido boyesi kokuju kogoropa? Kiyuutu Edeke.

Mam eong apedori aswam nu elopet kotoma ka, erai bon asianutu Ke naka ekabakane. Iyuunitosi yesi? Apedori bon eong alimun kwape ketodikina Ngesi eong. Kwape aiyuun kus...enera eong kwangin kanu aijangakin aiyuun kus, kasodi konyet aanyun neingarenikini Ngesi eong. Ijenunitosi tope yesi lo-mam erai onacekus? Ibwoete yesi kotoma Ajakut Keng. Mam erai eong ajai aswam nu, erai aiyuun kus nges itwasamai Nges. Mam eong apedori aitwasam Nges. Erai aiyuun kus nges iswamai ngun. Emamei eong eipone loapedoria aitwasam Nges. Mot ber.

97 Kokoona kalo aseseni eong etunganan lokirionon iboie kanen, esubit ngesi bala epoloorit, konapite alabirai. Ijaatar ijo ka akaadi nailipakinio, ipa? Konyou kobwo ber mot. Iyuunit ijo eong ebe arai ebulesit loka Edeke, kekonitau kere? Iwomoomoi ijo nuka itunganan ice, ijo mam? Arai erai ngin nakabeit, kikia akanikan kijangijang. Mere naarai erai eong, onacekon. Kwana emamei ijo akaadi nailipakinio. Emamei

eipone ediokere lo tikipedoria ijo alomar toma okokoro, naarai emamei ijo akaadi nailipakinio. Kwana, arai araice kayesi ejaatar ka akaadin nuailipakinio, siri-siri-mam inyouni aibwo, iteijo, ibuni ijo adumun arereng abunore kotoma okokoro.

Konye asesen i eong Aica ngin cut ikaja kokujuke. Mam ber erauna aitapoet. Mam eong apedori aitangaleun ijo, onac, mam eong apedori. Edeke bon Nges epedori aswam ngun. Konye nakon...akon... ijaatar ijo kaiyuun. Ijai ijo iyuunit. Ido ejai ice-icebore, erai ngesi keyangauni ngun, koipone ece.

Arai kelimoki Edeke Lokapedor kere etunganan lo ationis keng, icamunete yesi luce ngul kere aijaun aitangaleunio kus? Ejai etunganan loebwoi, ebwoi korai cut iyaadin itomon, itomon akany awai kamaka, mam eong aanyunitor ngesi kotoma aijaraka. Erai ngesi etunganan bon ebwoi kanen. Arai kepuko Edeke ibore yenerono kama ejai etunganan ngol, nginidiopet kayesi tibusakinit alomar kinga kane korai itunganan yen ingalei. Inyo bobo epedori Edeke aiyatakin aswam? Ngin mam kerekera erai abeit?

98 Ipa, emamei bore erono kanekon. Inonok ijo, epol ijo anyounun kwaare, aridakina naka epii loka ekulam ka acie da kwangin, konye mere ngin nges ationis kon. Ationis kon ikamunit etelepat kon. Ido ejai etelepat kon toma ne eputos bala adekis ace naka apugan, ido ejaatar ngol ka iwaitin iarei luka etunganane. Ngin mam erai abeit? Kikia akonikan arai erai ngein abeit. Erai cuticut ngin nakabeit.

Imwasi ai kwana iyuunitos ebe ejai Yesu Kristo Okoku loka Edeke ebwoi kane? Kanyoutu kasodete aijaikin aiturite ka aijaun da aitingaleunio wok.

Edeke Lokapedor kere, Ekageunan loka Aijar, Ekakoran loka ngin ainakinet kere naejok, ijai Ijo ne, Ejakait Yesu Kristo jepeje, ngopengol bian, ka lolo, ido kiton ikar kere.

Ido, Satan, ingalangal ijo itunga luadaun aojau nailosikino, kolomu kotoma kec! Eretakini eong ijo kanuka Edeke lokajaran lo da ejai Ajakut Keng ne kopekwana kotoma aput naka Epir loka Akim, kojalak itungalu! Ido kolom kinga kamakec, Kokiror loka Yesu Kristo!

Ngin idiopet kayesi kikiasiakaninikus kosodete aitut Edeke, ido kijautu aitangaleunio kus, ngini diopet. [Ejai atukot aitutit Edeke.]



www.messagehub.info

Nuelimonokinit
William Marrion Branham
 "... toma apaarasia nuka eporoto..." Apuk. 10:7